

XTIIDZ NDZON DIOS MINE PQUIAA MARCW

¹ Nu ganle laa naa csilo gzodiidz naa, mine been Jesús, Men ne bneele Dios cxeel me lo guidzliu.

² Lo guits ne pquiaa Isá, tib men ne biadteed xtiidz Dios padzeela, lo co zhobnee ganle ible laa Dios no cxeel me. Rneew, glo cxeel me tib zha ne tedner, guiaadnie diidz. Znu zhobnee lo guits co: Sxel naa tib zha ne tedner lo luu, zeena zha co gzhixcuaa nêz ne ted luu.

³ Dan tso zho,
zon miech zeene laa tsi zho zëeb gnee zho:
“Golzhixcuaa nêz ne ted men ne rnabey,
golsaan grë guieIntseeb ne run to.”

⁴ Ni nligaa scase goca, zeene laa Juan Bautist biaad, dan bio me rchoobnis me miech; rnee me lo zho csaan zho xquieIntseeb zho gbig zho lo Dios, ni chobnis zho, zeena csilaa Dios zho lo grëtaa xtol zho.

⁵ Dzigo rriee miech grë guiedz ne ngab Judé, dib lad guiedz Jerusalén, riequiaadiag zho zhiwseed me; ni rxobdol zho grë xtol zho, dzigo rchoobnis me zho len guiubee Jordán.

⁶ Guits lad camell niaa xab me, ncuaane rzhidoo len me guid niaaw ni niapse nguzhanch ni dzin dan row me.

⁷ Zeene rseed me grë miech co, rnee me lo zho:
—Iraa ziaad men ne mazdraa non lo naa. Tel naa peet nond naa, tib guieInzaac nroob ga ygaa

naa tel_{ne} niaca mi_{ne} grieelo maase lab me glit naa;
per na ni mi_n co rdzi_{nd} naa.

⁸ Laa naa rchoobnis to niina con nis; sa_ngue me
con Espí_{ri}tu Sant cchoobnis me to.

Brobnis Jesús

(Mt. 3:13-17; 4:1-17; Lc. 3:21-22; 4:1-15)

⁹ Le_n ngbidz coquew, laa Jesús brie_e guiedz
Nazaret xtan zha Galilé, güey me pchoobnis Juan
me le_n guiubee Jordán.

¹⁰ Laa me norieedze lo nis, ze_ene go_n me laa
zhan gbaa bz_hial, laa me_n ne nac Espí_{ri}tu Sant biet
gbaa zig tib palom laa me ziad-zë_b guic me.

¹¹ Ni lë_etaque zë_b tib tsi me_n co gbaa, rnee me:
—Xin, rley_nie naa luu go_n, nziuu luu lo naa.

¹² Ze_ene blozh brobnis me, dzigo güey_nie Espí_{ri}tu
Sant me tib dan ngan, zaatne no grë ma ntseeb;

¹³ bio me ga choo ngbidz. Ga no me güey Sa-
tanás (ma ne rnabey lo grëse me_{nd}ox), gocladz ma
niungüet ma me.

Bdedse ga, güey grë xanj_l Dios güeyga_n zho me.

¹⁴ Le_n ngbidz co bnabey Herod bio Juan
ladzguiib. Ladzguiible no Juan ze_ene brie_e Jesús
güeyted me grë guiedz ne ngab Galilé güeyseed me
miech Xt_iidz Ndzon Dios,

¹⁵ rnee me lo zho:

—Laa dze ne gnabey Dios ziaadgaxle, laaw
bdzi_n dzele. ¡Golsaan grë xqui_elntseeb to, go_nab
perdon lo Dios; dib zdoo to go_{ll}iladz Xt_iidz me!

Tap zha ne quia gooz me_l

(Mt. 4:18-22; Lc. 5:1-11)

¹⁶ Tib dze zieded Jesús ro Nisdoo ne lë Galilé, go_n
me laa Simón grop Ndrés quia gooz me_l lo nis co;

sac ible dziin co nac xtsiin zho. Grop bets zho laa zho noron guie_x ne rgaa mel lo nis.

¹⁷ Dzigo bredz me zho, rëb me lo zho:

—¡Goltë, goltëna_l zhits naa! ¡Laa naa cxel to tsie to stib gooz, tsietop to grë miech ne sëëb xnëz Dios!

¹⁸ Horcogazh psan zho guie_x ne rnaaz zho mel ga, laa zho ziena_l zhits me.

¹⁹ Zhisaque bzë Jesús ro nis co, gon me laa Jacob ni Juan no tib len barcw noquiaabdie zho guie_x ne rnaaz zho mel, lëë grop xingan Zebedé ga;

²⁰ dzigo bredz me zho. Zigne bredz me zho, zoque Zebedé lo barcw ga grë xmoz Zebedé, laa zho ziena_l zhits me.

Tib mgui ne nosacsi mëndox.

(Lc. 4:31-37)

²¹ Laa zho bdzi_n guiedz ne lë Capernaum. Zeene gol dze ne rdziiladz zho lo dziin nëz Israel, güey Jesús yadoo win ne zob lad guiedz co güeyseed me miech.

²² Grë miech ne ndxie len yadoo ga, rzee zdo zho ran zho zha rnee me, sac rlu men rnabey nac me; led yed me rseed zigne rseed grë zha ne nac maistr ley.

²³ Lad grë miech co no tib mgui ne nosacsi mëndox, tibaque zeene nguiedz pcooptsie ma mgui,

²⁴ rnee ma:

—¿Pe gun luu no Jesús Nazaren? ¿Ziaad luu lëë par gnitlo luu no? Runbey naa luu, tib men peet xtold nac luu ni Dios pxeel luu.

²⁵ Dzigo goctox Jesús lo ma, rëb me:

—¡Psoog ro luu! ¡Na zee_na psaan men qui!

26 Horco masaque been_cxidz ma m_gui co, ni r_quiaadan ma redz laa ma psaan m_gui.

27 Grëse miech ne ndxie ga, bzee zdoo zho rnab-diidzlsa zho rnee zho:

—¿Bay cho nac men_n qui? ¿Wseed cub i gon_n ziaadnie me! ¿Rlu zha rnabey nac me, zha haxta men_dox rdzieb zeene ractox me lo ma!

28 Znuse brieets bliaal_n diidz zha been_guiac Jesús m_gui co; grëse guiedz ne ngab Galilé gocna_n miecha.

Biac xniadzoop Simón Pedr

(Mt. 8:14-17; Lc. 4:38-41)

29 Ga briees Jesús güey me lidz Simón grop Ndrés gza me Jacob ni Juan.

30 Bdzin_n zho, lëëtaque laa xniadzoop Simón nix rlan xlëë, nacne rëb zhow lo me.

31 Dzigo bded me zaatne nix zhuz co, bzhen_n me nia me, blische me me. Horcogazh laa zhixlëë me blëz, guche me ga psilo me been_lo ncuane dow zho.

32 Ziedzele dzew, laa ngbidz rzëëblew, zeene psilo grë miech co zo zo rdzinnie zho grë men_n rzacnë, grë zha ne nosacsi men_dox ne; bioogse ro yu co ndxie miech.

33 Zootle zig grëse miech ne no lad guiedz co pcaalsa ga.

34 Ndal grë men_n rzacnë co zhaase zhaase guielguidz ne rzac zho, per been_guiac Jesús zho; zha ne nosacsi men_dox, ben_cxoon_n me grë men_dox ne nosacsi zho. Goctox me lo ma, ib bdeete me diidz nee ma cho nac me, sac run_bey ma me.

Pseed Jesús miech Galilé

(Lc. 4:42-44)

³⁵ Silgaw, scase bii ncow rnaw guche Jesús brie me lad guiedz co, güey me zaatne guiendraa miech, güeyzodiidznie me Dios.

³⁶ Zeene rnit me choot guiend; dzigo brie Simón ni zla zha ne nacgza Simón güeyguib zho me.

³⁷ Zeene bdziel me, rëbchaa zho lo me laa grë miech co quiaguible me.

³⁸ Dzigo pquiab me rëb me lo zho:

—¡Sca ye! Per ib laa ne none gon guio grëraa guiedz ne ndxie dib gax nu, zeena ye grë guiedz qui gnee naa Xtiidz Dios lo miech; sac ible min co pxeel me naa zial naa lo guidzliu.

³⁹ Dzigo güey zho grëse guiedz ne ngab Galilé. Zaatne rdziñtaa zho, rie me grëse yadoo win ne zob lad guiedz rseed me grë miech co Xtiidz Dios, ni runcxoon me grë mendox ne nosacsi miech.

Biac tib mgui ne rlan lepr

(Mt. 8:1-4; Lc. 5:12-16)

⁴⁰ Tib vuelt, wbig tib mgui ne rlan guiedzdox ne lë lepr lo Jesús (masaque riaal dipse guid lad mgui), pquiitsgzhib mgui lo me, rëb mgui:

—Tebaa siguieel luu gunguiac luu naa.

⁴¹ Pquia zdoo Jesús mgui, pxobnia me guic mgui rëb me:

—Zunguiac naa luu. ¡Niinagazh laa luu guiaanbe!

⁴² Zigne sca bnee me laa mgui co biac, mbese biaan xcuerp mgui.

⁴³ Blozh ga bzonëz me mgui, ni pso me diidz lo mgui

⁴⁴ rëb me:

—Bina ganle, choot lo gzodiidz luu gon zha biac luu. Bzë, güey lo pxoz, güeyšan gon ne rnabey xley Moisés gdeed luu; zeena gan zho ganle laa luu biacle.

⁴⁵ Ni zigne brieë mgui ga, psilo mgui grë lo miech bzodiidz mgui zha biac mgui. Grëse miech gocnaña, nacne brieelodraa nenlo ndziñ Jesús grë lad guiedz co. Miñe been me, blëz me zaatne choot miech guiend; per niicle scaw, miech guizhiu ne rrieë grë guiedz co rdziñ lo me.

2

Biac tib men ne gutoo

(Mt. 9:1-8; Lc. 5:17-26)

¹ Goc bla dzew, laa Jesús biire bdziñ lad guiedz Capernaum stib. Zeene bin zho laa me bdziñ ro yu,

² miech guizhiu ne pcaalsa zaatne no me ga, haxta ro yu ndxie grë miech co; dzigo psilo me noseed me zho Xtiidz Dios.

³ Laa grë miech co ndxie ga, zeene bdziñ tap zha bgui ney zho stib men bgui, zhoobse me lo yag, ib gacd së me sac dipse me gutoo.

⁴ Ni ne scataa miech guizhiu ne ndxie, gacd ted zho nëz ro yu gdziñnie zho me lo Jesús, nacne biepaque zho guic yu. Pخال zho ngali zaatne zob Jesús, dzigo ga pteed zho men co dib yag ne zhoob me ga.

⁵ Zeene gon Jesús ne nli dib zdoo zho rliladz zho me gunguac men rzacnë co, dzigo rëbchaa me lo men co:

—Xin, niinagazh laa naa gun perdon grëse xtol luu.

⁶ Blalaa zha ne nac maistr ley zob ga, zeene bin zho sca rëb me lo meñ rzacnë co, bzachaa zdoo zho:

⁷ “¡Lëda i gon squi rnee meñ qui! Quiaguitnie me Dios i squi rzë xtiidz me. ¡Tibaque meñ ne run perdon xtol miech, ni lëë meñ co nac Dios!”

⁸ Bienga Jesús sca rza zdoo zho, dzigo rëbchaa me: —¡Pe nacne rlëë to ron to mine rne naa?

⁹ Parga nli, cholze zha ne zac guiab: “Laa naa gun perdon grëse xtol luu.”

¹⁰ Per laa naa glu lo to ganle, naa ne nac naa Men ne pxeel Dios zial naa lo guidzliu, ible naa no gun miech perdon.

Dzigo bnee me lo meñ rzacnë co, rëb me:

¹¹ —¡Guche i, bi yag ne bzhoob luu i, zeen bzë!

¹² Zigne sca bnee me laa mgui co bzoli, blis me yag co, grop lo grë miech co gon zho laa me brieega, laa me zey. Grëse zho rzee zdoo zho, rleynie zho Dios rnee zho:

—¡Nasi laa ne nodzian ncuaane gard dzian ne!

Bredz Jesús Leví

(Mt. 9:9-13; Lc. 5:27-32)

¹³ Blozh ga, laa Jesús brieega laa me zie nëz ro nisdoo stib; nzian miech ne pcaalsa lo me ga, dzigo pseed me zho.

¹⁴ Ro nis co ziezë me gon me Leví, xingan Alfé, zob Leví zaatne rietizh zho contribucion, dzigo bredz me Leví tsienal Leví zhits me. Guso Leví ga, laa Leví zienal.

¹⁵ Bded ga, bredz Leví me güey me tib wagw lidz Leví. Grë zha ne nac recaudador, grë zha ne zëëb diidz nac zha yozh, tipse lo mezh zbobnie me zho

grë xpëëdsuel me; sac ndal grë zha co zienal zhits me.

¹⁶ Blalaa maistr ley ne nacgrë zha farisé, gon zho sca tipse noyownie Jesús grë zha co; bded ga, rëbchaa zho lo xpëëdsuel me:

—iMod sca na rownie xmaistr to grë zha ngoopdol, grë zha beed ne nac recaudador!

¹⁷ Dzigo rëbchaa Jesús lo zho:

—Nanle to ganle, men ne run rmed, zaatne no zha ne rzacnë, ga rquiin zho, ¿niacxe squiin zho zaatne no zha ne ndip ndaan? Ni min co rac niina, tel naa zialguibd naa miech wen, sinque laa naa zialguib miech ngoopdol.

¿Pe nacne rcuand xpëëdsuel Jesús?

(Mt. 9:14-17; Lc. 5:33-39)

¹⁸ Lëëtaaque dze co nocuan xpëëdsuel Juan Bautist, grë zho zha farisé. Dzigo bdziñ bla zha ne bnabdiidz lo Jesús, rëb zho:

—¿Pe nac waa ib rcuand xpëëdsuel luu? Zha grë xpëëdsuel Juan Bautist ni grë zha farisé, rcuan zho.

¹⁹ Pquiab Jesús, rëb me:

—Zaatne nadien noyac tib guieltsieel, ¿pe niacxe lega csilo grë zha ne ndxie lo lni tso zho guielnë, ycuan zho ni ran zho laa mgui ne notsieelnia mban?

²⁰ Per zdziñ dze zeene laa mgui co gbiche; ni zeene laa dze co gdziñ, dzigosi nagon rieguial tso zho guielnë, rieguial ycuan zho.

²¹ Ranle to ganle, zha ne rquiaabdie tib lë lar, rquiaad zho lar cub lad lar gox, sac zha ne sca gun paat yquiind wquiaabdie co. Zeene laa lar cub gbe, lëëque lëew gunnat zaatne nriez lar gox.

²² Scaque tsod zha ne cotsow vin cub tib len₁ guid ne padzeelale noquiin, sac stsiez vin cuba; dzigo niicle guid cow, niicle vingaaw laaw nitlo ga. Gacxe, tel₁ vin cuba none len₁ guid cubaque tsotsowa.

*Ptop xpëëdscuel Jesús mzion zhobxtil
(Mt. 12:1-8; Lc. 6:1-5)*

²³ Tib dze ne rdziiladz zho lo dziin nëz Israel, bdednie Jesús xpëëdscuel me zaatne zëëb zhobxtil, dzigo zigse zieded zho pchoo zho palal mzion zhobxtil co.

²⁴ Gon₁ zha farisew, dzigo rëbcha zho:

—¡Lëda i gon₁ noyun₁ to! ¡Gol₁guien₁ gan₁le dze nda nac dze rii!

²⁵ Dzigo pquiab Jesús, rëb me:

—¿Pe gard glab to zaatne ziaad gan₁le zha been₁ rey David tib dze zeene pcaabedz me grë me zha ne ziegza me, ni zienied zho pe gow zho?

²⁶ Rneew, bzëëb me len₁ yadoo güeynab me guietxtil ne nac gon, downie me grë zha ne ziegza me ga, ni loxaque zha ne nacse pxoz row guietxtil co. Len₁ iz co nac men₁ ne lë Abiatar pxoz nroob.

²⁷ Gol₁gacnan₁ sca gan₁le, biaan₁d dze rii par csacsi miech xcuerp zho, sinque ne rleynie Dios miech gane psan₁ mew.

²⁸ Naa ne nac naa Men₁ ne pxeel₁ Dios zial₁ naa lo guidzliu, naa rnabey dze rii, nan₁paa naa pe nac min₁e nonguiel₁ gac.

3

*Biac tib mgui ne mband tib nia
(Mt. 12:9-14; Lc. 6:6-11)*

¹ Goḷ stib dze ne rdziiladz zho lo dziin, güey Jesús leṅ yadoo win ne zob lad guiedz co. Lad grë miech ne no leṅ yadoo co, no tib mgui ne mband tib nia.

² Nzian zha ne ndxie ga, quialeets zho Jesús dien pe zunguiac me nia mgui co dze ne rdziiladz zho lo dziin. Quiambëz zho dien pe guṅ me, par gdziel pe yquiaaqui zho me.

³ Dzigo bredz me mgui co, bnabey me bzo mgui groḷtaa lo grë zha ne ndxie ga;

⁴ blozh ga rëbchaa me lo zho:

—¿Pe nadien rzac to nonguiel guṅ ne dze rii? ¿Pe nonguiela guṅ ne ncuaane yquiin, te nonguiela guṅ ne guielntseeb ye? Zig nac samiech ne zha ne noxtseeb xquielmban, ¿pe maase csaan ne guet zho?

Ni tib zho pquiabd.

⁵ Dze bui me lo zho grëse zho, wbinladz guic me, ni mban goc zdoo me goṅ me scataa ntseeb zdoo zho; dzigo rëb me lo mgui co:

—Bzigaa nia luu.

Zigne bzigaa mgui nia mgui, laaw biac.

⁶ Grë zha farisé, ni grë zha ne nacie rey Herod, zigne brie zho ga laa zho psilo bnediidz dien zha gdeeda diidz gut zho Jesús.

⁷ Leṅ dze co, tib vueltdz zho Jesús ro nisdoo grë xpëëdsuel me. Miech guizhiu ne nal zhits zho, ga zie grë zha ne ziaad nëz Galilé, grë zha ne ziaad nëz Judé,

⁸ grë zha Jerusalén, grë zha ne ziaad nëz Idumé, grë zha no dib nëz dan ro guiubee Jordán, grë zha ne no dib gax guiedz Tiro ni guiedz Sidón. Miech guizhiuw, sac ron zho grëtaa milagr ne ruṅ me.

⁹ Dzigo bnabey Jesús xpëëdscuel me, yguib zho tib len̄ barcw zaatne gac so me zeeṅa ctaagwd grë miech co me.

¹⁰ Zëëble diidz ndal miech ziyunguiac me, dzigo grëse zha ne rlan pe guielguidz, rbigbe zho dien̄ zha grieelo maase lad xab me xen̄ zho.

¹¹ Grë mendox ne noguitnie miech, zeeṅe ran̄ ma me, run̄quitsgzh̄ib ma zha ne noguitnie ma lo me ni rquiaadan ma redz rnee ma:

—¡Xpëëd Dios nac luu!

¹² Per ractox me lo ma, rsaand me gnee ma parne xoobnend̄ cho nac me.

Ble Jesús gza tsiipchop xpëëdscuel me

(Mt. 10:1-4; Lc. 6:12-16)

¹³ Blozh ga bieṅ me tib guic gui win zob ga, ga bredz me zha ne gocladzse me. Zeeṅe pcaalsa zho grë zho,

¹⁴ dzigo lad co ble me tsiipchop zha ne sënie me, zha ne cxeel me tsieseed miech Xtiidz Dios. Lëë zha co bleelë me poxtl,

¹⁵ ni bdeed me poder lo zho guṅcxoon̄ zho mendox.

¹⁶⁻¹⁹ Znu lë gza tsiipchop zha ne ble me ga: Simón (lëë Simón co bleelë me Pedr), Jacob ni Juan (xingan Zebedé, zha ne bleelë me “Zhin Nguzi” “Boanerj”).

Ndrés,
Lip,
Bartol,
Matew,
Mazh,
Jacob (xingan Alfé),
Tadé,

Simón (zha ne nacgrë zha ne racladz cuee zha
Roma xtan zho)
ni Judas Iscariot (zha ne güeyto me).

Rëb zho mëndox nacnie Jesús

(Mt. 12:22-32, 46-50; Lc. 8:19-21; 11:14-23;
12:10)

²⁰ Wbire Jesús ga, laa me bdziṅ ro yu grë me
zho. Scaaque ndal miech ne pcaalsa ga stib, ni
rdeetew diidz gownie me zho.

²¹ Zeene bin menlidz mew, dzigo brieë zho ziexi
zho me, sac rëb zho bod rzhinle guic me.

²² Haxta grë maistr ley, zha ne brieë nëz
Jerusalén bdziṅ ga, rnee zho:

—Beelzebú, ma ne rnabey lo mëndox, ma co
nacnie me gane rrieelo runcxoon me mëndox.

²³ Dzigo bredz me zho bzodiidz me tib cuent lo
zho, rëb me:

—¿Pa naṅ to na grieelo lëëque mëndox guñcxoon
samëndox ma?

²⁴ Teṅ tib guiedz nadien gac miech chop dii, csilo
zho tiṅsa zho, ¿niacxe nitlod guiedz co?

²⁵ Tib diigaa miecha, teṅ csilo zho lëëque zha
tiṅnie menlidz zho, ¿niacxe nitlod zho?

²⁶ Scaquegaa mëndox nagon, teṅne lëëque lëë ma
tiṅnie samëndox ma, ¿pe nale na bñitlo ma!

²⁷ Masaque nac mëndox zig tib zha ne no xfuers,
zha ne gacladz cuee grë ncuaaṅe no lidz zha co,
none cxidoogazh zho zho.

²⁸ Gneli naa lo to ganle, grëse dol ne run miech,
grë teṅ zha rguie zho, rdzibdee zho, bii zuṅ Dios
zho perdon miṅ co;

²⁹ sangue zha ne gneenë Espíritu Sant, dol nroob
ga run zho, gdziṅd dze ne guṅ Dios zho perdon.

³⁰ Sca rëb me lo zho, sac sca quianee zho rëb zho men_{dox} nacnie me.

³¹ Horco laa xniaa me ni zha bets me bdziñ, per leyse blëz zho; dzigo pxeel zho zha ne zietsedz me.

³² Blalaa zha ne zob gaxpaa lo me, zha co been vis rëb zho:

—Laa xniaa luu gon, ni zha bets luu ziaadguib luu.

³³ Pquiab me rëb me:

—¿Xnia naa ye, bets naa ye?

³⁴ Dze bui me lo grë zha ne ndxie ga, dzigo rëbchaa me:

—To gon nac xnia naa, to nac bets naa.

³⁵ Sac grëse zha ne run miñe racladz Dios, lëë bets naa ga, lëë bzian naa ga, lëë xnia naa ga.

4

Xcuent zha ne güey gon (Mt. 13:1-23; Lc. 8:4-15)

¹ Dze coquew, laa Jesús psilo quiaseed miech zaatne nac ro Nisdoo Galilé ga. Miech guizhiu ne pcaalsa lo me, nacne güeytsep me tib leñ barcw ne zo ro nis co, ga bzob me laa grë miech co bre tib ro nis.

² Ndal grë ncuane pseed me zho, per niapse con cuent rnee mew lo zho. Lëë tib cuent ne bzodiidz me ga nu, rëb me:

³ —¡Gol_{quia}aadiaga gan_{le}! Tib mgui name, briece me güey me gon zhobxtil.

⁴ Zeene laa me quialaal zhob co, miñe bliaal gax ro nëz; znuse güey grë mguin güeytow maw.

⁵ Laa miñe bliaal zaatne nac lo quie, znuse znuse blana;

⁶ per zeene laa lo ngbidz brieë, znusaque bgoola blozh ga bidzgaw; sac guieñd nroob low.

⁷ Laa miñe bliaaļ zaatne nac leñ yag guiets, zeene laa grë yag guiets co broob znuse bñitlo yag guietsa, pasëw niac.

⁸ Sañgue grë miñe bliaaļ zaatne nac lo liu naaļ, blana, brooba ni goca; lo tib tib zhob co no mzion co brieë galptsii zhob, now brieë tsonğala, nogaaw brieë haxta tib gayoow.

⁹ Blozh ga, rëbchaa me lo zho:

—Zha ne racladz guieñ miñe rne naa, yquiaa-diag zhow.

¹⁰ Zeene laa grë miech co zey, laa gza tsiipchop xpëëdsuel me, ni zla zha ne rzënie me, laa zho bnabdiidz lo me dien zha nac cuent co.

¹¹ Dzigo rëbchaa me lo zho:

—Tel to, Dioszhal rlu lo to zha rnabey me, niicle ncuaane mazdraa ngueetsa; laa lo grëraa miech ne gard gbig lo me niapse con cuent rzodiidz naaw lo zho parne guieñ zhow.

¹² Per niicle scaw, nzhial diag zho ron zho, per peet rieñd zho; nzhial lo zho rwi zho, per peet rañd zho; ib nëd zho gbig zho lo Dios, gnab zho guñ me zho perdon.

¹³ Nana to, telne biende to zha nac cuent co, ¿zha guieñ to grëraa miñe gne naa dzigo? Golquiaadiaga ganle, znu goñ naca:

¹⁴ Mgui ne güeylaaļ zhob ga, rrieëquia lëë zha ne rieneë Xtiidz Dios lo miech ga, laa zhobxtil co nac Xtiidz Dios.

¹⁵ No miech nac zig nac ro nëz ne bliaaļ palal zhob co: rquiaadiag zho Xtiidz Dios, rlozh ga lëëläd rdziñ menđox rquuil ma zho, rsaanga zhow.

16 Nogaa zho nac zigne nac lo quie co: zeene rquiaadiag zho Xtiidz Dios, ine rley zho rcaania zhow,

17 per led dib zdood zho rcaania zhow; gane zeene laa miech rsilo rlëë lo zho, laa miech rtsidil zho porne riladz zhow, rsaanga zhow.

18 Zzhisgaa zho nac zigne nac len yag guiets co: nli rquiaadiag zho Xtiidz Dios,

19 per rsilo zho lel gre ncuane no lo guidzliu rii mazdraa rionie guic zho, rquidie gre dimi zho, rzoobladz zho yquianie zho grese ncuane racladz zho. Gre ncuane co rioxcoraa zho, laa ne tsonie Xtiidz Dios guic zho, min co rquiaqui ib rund zho mine rnabey me.

20 Laa nogaa zho nac zigne nac liu naal co: rquiaadiag zho Xtiidz Dios, dib zdo zho riladz zhow, ni rban zhow zigne naca. Gre zha co, no zho nac zig mzion ne brieegalptsii zhob ga, no zho nac zig mine brieetsongala, nogaa zho nac zig mine brieetib gayoow ga.

Xcuent biini ni midz moxtaz

(Mt. 13:31-32, 34-35; Lc. 8:16-18; 13:18-19)

21 Blozh ga, biire pcaalsa miech lo me, dzigo reb me lo zho:

—¿Pa dien rquiin biini? ¿Pe rquiaguiw par tsolana tib len guin o soogaaw tib zhan lon? Led zeene rquiaguiw lëë, zaatne grieelo gziiniw ga rzoob zhow.

22 Scaque nagon grese ncuane rac ngueetsa, grese ncuane rnee miech zhliaana, ib none xoobnena.

23 'Telne racladz to guien to mine rne naa, golquiaadiaga;

24 ni zigne ron tow scagaa goltsoxco golgūna. Telne tsoxco to guṅ tow, scagaa zioguicraa tow.

25 Sac zha ne tsoxcow, zdeedraa Dios guielbiini lo zho; saṅgue zha ne tsoxcoda, haxta tel palalse guielbiini ne bdeed me lo zho stiche mew.

26 Ni rēb me lo zho:

—Znu goṅ nac zha ne ngab lo Dios; nac zho zig bni ne ran miech.

27 Zha ne rielaaḷ bni co, liu rcow, liu riini, laa zho raaguies, laa zho rieche. Sca sca laa dze zie, laa bni co ratslo, laaw rlan, laaw rroob, per riend zho zha nacne laaw rroob.

28 'Zhal guidzliu rdeeda guielnzaac co, guizh nac zhob co zeene rlana, rac palal dzew laaw rlan mzion.

29 Laa zeene laaw ral, dzigo laa zho rietiitsa, sac laa dze bdziṅle ne laaw tsas.

30 '¿Zha gaṅle gni naa lo to zeena guien to zha nac xquielrnabey Dios? —rēb Jesús—. ¿Pa tib cuent gaṅle gzodiidz naa lo to zeena guien to zha naca?

31 Naca goṅ zigne nac tib midz moxtaz ne ran miech dan rii. Midz moxtaz nac midz ne mazdraa win,

32 ni tel gacbniw, rrooba, ni lēew rroobraa lo grē guizh ne ran zho ro yu, haxta grē mguin riezaa zhiptsieez ma low sacne ncala.

33 Nzian grē cuent rii pquiin me par cseed me grē miech co, ni laa me bnee miṅe rgobey me guien zho.

34 Niapse sca rseed me zho, laa zha ne nac xpēēdscuel me, zeene zhasew rnee mew lo zho zigne naca.

Pcuëz Jesús tib medox
(Mt. 8:23-27; Lc. 8:22-25)

³⁵ Zeene bdze dze co, rguetsle liuw rëbcha me lo xpëëdsuel me:

—Golgotsaa dieedquia ne stib nëz lo nis rii.

³⁶ Blozhse bnee me lo grë miech co, laa zho biepl en barcw ne zob me ga grë me zho, laa zho zie. Ye blalaa barcw ne zob lo nis co ziana.

³⁷ Laa zho zie, tibaque zeene laa tib medox psilo brie, masaque rlis me lo nis co; zeene riasoli low riechoona len barcw, laa barcw psilo noyodzële nis.

³⁸ Dzigo güey zho güeycuaan zho Jesús, sac lëëtaque laa me nixguies nëz zhan barcw ncoogse me tib lmad.

—¡Maestro! —rëb zho—. Bui ganle, ¿pe znuse csaan luu nitlo ne nu?

³⁹ Dzigo guche Jesús, bnee me lo me co, bnee me lo nis co, rëb me:

—¡Lëëw ga na! ¡Golcuedze!

Zigne sca bnee me, laa me co blëz, niicle nis cow laaw bredze.

⁴⁰ Dzigo rëbcha me lo zho:

—¿Pe nacne squitaa rdzieb to? ¡Gardaque dzigo lëë gliladz to cho nac naa!

⁴¹ Rien draa zho zha gun zho lo dzeb co, ni rnabdiidzlsa zho rnee zho:

—¿Bay cho nac me, zha nacne haxta me, haxta nisdoo ron xtiidz me?

5

Men Gadar ne nosacsi mendox
(Mt. 8:28-34; Lc. 8:26-39)

¹ Bdzin̄ Jesús n̄z dan̄ ro nisdoo co gza xpëedsciel me, ga nac xtan zha Gadar.

² Laa me bietdze len̄ barcw, zeene laa tib mgui ne nosacsi mendox bdzin̄ lo me. Len̄ baa brieemgui co bdzin̄ me ga,

³⁻⁴ sac len̄ baa nac zaatne rbëz me. Miech ne lëbd zho low, nzian vuelt ziezoob zho caden nia me, ni me ne, per znuse rchug mew, rzhoonga me. ¡Choot rlëbd lo me!

⁵ Dze, guieel quianzë me grë dan co, rietso me grë len̄ baa. Roptsiedan me, ni lëëque me rzhen̄ quie rchug me guidlad me.

⁶ Laa dze co, zitraa gon̄ me Jesús, rias me bdzin̄ me pquitsgzhib me lo Jesús.

⁷⁻⁸ Dzigo goctox Jesús lo mendox ne noguitnie me, rëb Jesús:

—¡Mendox, psaan men̄ qui!

Horco pcooptsiedan mendox co mgui co, ni rnee ma lo Jesús:

—¿Pe gun̄ luu naa Jesús? Runbey naa luu, Xpëed Dios ne no gbaa nac luu. ¡Ne nlipagaa been̄ guielnzaac csacsid luu naa!

⁹ Dzigo bnabdiidz Jesús lo ma dien̄ cho lë ma. Pquiab ma rëb ma:

—Legion lë no, sac nzian nac no.

¹⁰ Rnab grë mendox co lo Jesús, gzonëzd me ma zit.

¹¹ Gaxaque zhan gui co ndxie tib dzoon nguts noyow,

¹² dzigo bnab ma lo Jesús, rëb ma:

—Bzhiguiel̄ lose grë nguts qui bzonëz no.

¹³ Bdeed Jesús diidz. Dzigo laa grë mendox co psaan mgui co, laa ma zie bzëëb ma zdoo grë nguts

ne ndxie ga; psilo grë nguts co rquiaa ma corr güeypix ma glaa tib ro yee ne quia ro nisdoo co, bliaa ma haxta lo nis. Ga biep ma nis, grëse ma gut. Rгаа ma zig chop mil.

¹⁴ Zha ne quianap grë nguts co, gzase zho bzhoon güeyzodiidz zhow lad guiedz, ni grëraa yu ne zob gax ga. Brieë grë miech co, zieso zho.

¹⁵ Zeene bdziñ zho, per nli bdzieb zho, sac gon zho laa mgui ne sca bdziitnie men̄dox ga zobse lo Jesús, laa mgui nacwxable, rlu ndzinlile nac guic mgui.

¹⁶ Psilo grë zha ne gon zha biac mgui co, ni zha goc grë nguts co, psilo zho rzodiidz zhow lo grë zha ne bdziñ ga.

¹⁷ Miñ co bin grë zha co, mazd bnaab zho lo Jesús siguiel me gbi me xtan zho.

¹⁸ Zeene laa Jesús zie sëëb me len̄ barcw, dzigo laa mgui co wbigaque lo me, nañ mgui nziguiel me nienal mgui zhits me.

¹⁹ Per bdeete me diidz, rëb me:

—Wbire, güey güeyzodiidz lo grë men̄lidz luu ganle pa lotaa pquia zdoo Dios luu, zha nactaa milagr nroob ne been me been̄guiac me luu.

²⁰ Dzigo wbire mgui. Güey mgui dib xtan zha Decápolis, güeyzodiidz mgui lo grë miech co zha been̄guiac Jesús mgui. Grëse zha ne rona, rzee zdoo zho.

Brieëban xpëdwnaa tib men̄ lë Jair

(Mt. 9:18-26; Lc. 8:40-56)

²¹ Zeene laa Jesús biire brieëquia stib nëz ro nisdoo co, miech guizhiu ne pcaalsa lo me ga.

²² Ga zo me zeene laa tib men ne nacgrë zha ne rnabey yadoo lë Jair bdziñ. Zigne bdziñ me lo Jesús pquitsgzhìb me,

²³ rëb me:

—Been tib guielnzaac gotsaa guio ne gunguiac luu xpëed naa. Laa win rlozhle; nanpaa naa telne cxobnia luu guic win, ziac win.

²⁴ Dzigo laa Jesús zie nëz lidz men co. Ndal miech ne zienal zhits me, haxta rtaagw zho me.

²⁵ Lad grë miech co zienal tib wnaa, gogle tsiip-chop iz rlan me tib guielguidz, rzac me zigne rzac men wnaa gzob mëë, tibaque rlan mew ib rbëzda.

²⁶ Nzianle lo men ne run rmed ziye me, grëse ncuaane rap me bloozh me lo rmed; per laa ne cuëz guielguidz co, lel znu rzhizhooraaw.

²⁷⁻²⁸ Ziyonle me grë milagr ne run Jesús. Bza zdoo me rëb me: “Totsaque ygaa maase lad lar ne mbix me xeen naa, ziacle naa.” Dzigo bded me lad grë miech co, wbig gax me nëz zhits Jesús, bzhen me lad lar ne mbix Jesús.

²⁹ Nligaa hor cogazh laa guielguidz co blëz, bien me laa me biac.

³⁰ Zeene bien Jesús ne laa me beenguiac wnaa co, dzigo ptsire lo me rwi me lo grë miech co, rëb me lo zho:

—¿Cho ga bzhen lad xab naa?

³¹ Rëbchaa xpëëdsuel me:

—¿Zha nan luu glu dien cho bzhen lad xab luu, ni squitaa ndaagw ziaad luu lad grë miech qui?

³² Per laa me rwi lo grë miech co dien chow.

³³ Nanpaa wnaa co ne me ga, rdzieb me, rzhidz me laa me wbig pquitsgzhìb me lo Jesús bneeli me zha nacne sca been me.

³⁴ Dzigo rëbchaa Jesús lo me:

—Xin, laa luu biac sacne bliladz luu naa. Bzë na, peet tsieniedraa guic luu, laa guielguidz co bichele.

³⁵ Laa Jesús bii quianeeque, zeene laa bla zha ne ziaad nëz lidz Jair bdzin, rëb zho lo Jair:

—Csodziindraa luu lo men qui, laa xpëed luu gutle.

³⁶ Zeene gon Jesús sca rëb zha co, dzigo bnee me lo Jair rëb me:

—Peet tsienied guic luu. Dib zdoo luu bliladz naa.

³⁷ Psaandraa me cho grë miech co nienal zhits me, loxaque Pedr, Jacob ni Juan bets Jacob; zha cose zienie me.

³⁸ Zeene bdzin zho lidz men co, tib ruid ne rac, nguiedz zëeb tsi zho roon zho no zho xquielnë mëed co.

³⁹ Dzigo bzëeb Jesús len yu, rëb me lo zho:

—¿Pe nacne squitaa roon to? Goonde to, gon led gute ndzooop win rii, nixguies ndzooop.

⁴⁰ Le! rzhidznie grë miech co me, bin zho sca rëb me. Dzigo bnabey me brieë zho ley grëse zho, loxaque pxoz mëed co, xniaa win ni gza tson xpëedscuel me zha ne nal zhits me ga bzëebnie me len yu ne nix win.

⁴¹ Wbig me bzhen me nia win, rëb me lo win:

—¡Guche i na, ndzooop yeen! (Talita, cumi.)

⁴² Zigne sca bnee me laa mëed co guche, laa win bzë. Tib mëed tsiipchop iza. Grëse miech co per nli rzee zdoo zho.

⁴³ Dzigo pso me diidz lo zho choot lo gneed zhow; blozh ga bnabey me bdeed zho ncuaane dow mëed co.

6

Güey Jesús ladz me

(Mt. 13:53-58; Lc. 4:16-30)

¹ Ga brieë Jesús grë xpëëdscuel me, laa me bdzin Nazaret zaatne nac ladz me.

² Laa zeene goḷ dze ne rdziiladz zho lo dziin, laa me bdzin len yadoo, psilo me pseed me grë miech co. Per nli rzee zdoo zho ron zho grë miñe rnee me, rnabdiidzlsa zho rnee zho:

—¿Pazhe waa squitaa pseed meñ qui? ¿Zha nac guielbiini ne squitaa rap me i, ne rnee miech ndal grë milagr ne run me?

³ Tib ngurëëyagse name nac me. Led lëë xingan Marí i, bets me name nac Jacob, nac José, nac Judas ni Simón, grë bzian mew, nu no zho grë zho.

Ib beencasd zho me.

⁴ Zeene goḷ me sca rac zho, dzigo rëb me lo zho:

—Zha ne rteed xtiidz Dios, mazd wen rnee miech lo zho stib dan, stib guiedz, lëdle ladz zho, ni meñlidz zho ni meñladz zho nëd gunbey zho.

⁵ Brieelod niun me nzian milagr ga, blase zha rzacnë pxobnia me guic, beenguiac me.

⁶ Bzee zdoo me goḷ me scataa ndip zdoo zho, ib bliladzd zho cho nac me.

Blozh ga mazd güey me grë guiedz ne ndxie gax ga, güeyseed me miech.

Pxeel Jesús xpëëdscuel me tsieseed zho miech

(Mt. 10:5-15; Lc. 9:1-6)

⁷ Tib dze, bredz me gza tsiipchop xpëëdscuel me, bnabey me zho tsieseed zho miech. Pxeel me zho chopga chopga zho, ni bdeed me poder lo zho par gunxoon zho menodox.

⁸ Pso me diidz lo zho güeyd zho pe yquiin zho nöz, lëe gdib tib lë yag ne gzoxca zho güey zho. Zig nac ncuaane gow zho, zig nac dimi, pe tib bziuudgaa, güeyd zhow.

⁹ Lab zho, mine quiase ni zho; xab zho, mine nacwse zho mincose tsienie zho.

¹⁰ Ni rëb me lo zho:

—Guiedz ne gdziñ to, zha ne gneedz zaatne cuöz to, lidz zha co golcuöz haxta gdziñ dze ne gbi to guiedz co.

¹¹ Laa zaatne ne ib gneedzd zho pa cuöz to, niicle nëdgaa zho yquiaadiag zho mine gnee to, dzigo gollit grë yudie co ni to, golrieegazh ga, zeena guien zho ganle lëda ga been zho.

¹² Dzigo laa zho brieë, laa zho zie. Güey zho, güeynee zho lo grë miech csaan zho xquieñtseeb zho, gbig zho lo Dios.

¹³ Nzian zha ne nosacsi mendox, beñcxoon zho mendox co; grë zha ne rzacnë, bdëëb zho nceit guic zho, beenguiac zho zho.

Gut Juan Bautist

(Mt. 14:1-12; Lc. 9:7-9)

¹⁴ Bin rey Herod rzeet zho Jesús, sac tel pa lotaaw zëëb diidz grëtaa milagr ne run me. Grë miech co, no zho rzac brieëban Juan Bautist lëe me ga nac Jesús, gane run me grëtaa milagr co;

¹⁵ nogaa zho rnee Líw, men ne biaad pteed Xtiidz Dios padzeela; zzhisgaa zho rnee, no cho stib men ne ziaad noteed Xtiidz Diosa, zig biaad grë zha ne biaad padzeela.

¹⁶ Zeene ron Herod sca rnee miech, dzigo rnee me:

—Nligaa Juan ga. Naa bnabey pchug zho yan me, per lëë me ga brieëban.

¹⁷⁻¹⁸ Sca rnee Herod sac rsoladz me zha been me Juan. Me bnabey bгаа Juan bio Juan ladzguiib, loxaque ne rnee Juan lo me nonguielda ga lëëque Herodí ptsieelnia me; sac tsieelpaa bets me Lip nac Herodí.

¹⁹ Blëënie wnaa ne nac Herodí ga Juan, rzac me tebaa zha gut me Juan; per rdeetew diidz,

²⁰ sac rdzieb Herod lega pe guñ me Juan, rien me tib zha ne zienal mine nac diidzli, tib zha ne peet xtold nac Juan; dzigo ib rdeete me diidz pe guñ wnaa co Juan. Niicle ne cadque zeene rnee Juan lo me, rio me zhgab rien me dien zha guñ me, per rdziladz me rquiaadiag me grë mine rnee Juan.

²¹ Laa tibtaa dze laa mine no guic Herodí ga goc. Dze ne bloozh Herod stib iz, bnabey Herod goc tib lni nroob, bredz me grë zha ne nacie me dziin, grë zha ne zo lo menGUIIB, ni grë zha non lo zha Galilé.

²²⁻²³ Laa zho no mezh noyow zho, zeene bzëëb xindzooop Herodí psilo ndzooop biee ndzooop. Bdziladz Herod gon me zha biee ndzooop, grë zha ne zob lo mezh ga ne. Dzigo rëb Herod lo ndzooop, tel petaa gnab ndzooop zdeed mew; haxta brieë ro me rëb me:

—Ncuaane gacladztaa luu gnab luu, niicle zig groł grë ncuaane rap naaw, znedz naaw.

²⁴ Rias ndzooop güey nabdiidz ndzooop lo xniaa ndzooop. Dzigo rëbchaa me lo ndzooop:

—Bnab lo me gnabey me tsiechug zho guic Juan gneedz zhow lo luu.

25 Bdzin̄ ndzoop lo Herod rēb ndzoop:

—Racladz naa xoob guic Juan Bautist tib len̄ plat, gneedz luuw lo naa niinagazh.

26 Zeene bin Herod sca rēb ndzoop, mbanse rac me; per rdeetraaw diidz niab me grieeloda, sac grēse zha ne zobnie me ga, bin zho rēb me zdeed me ncuaañe gnabtaa ndzoop.

27 Dzigo racse me pxeel̄ me tib men̄guiib ne tsiechug guic Juan.

28 Güey men̄guiib co len̄ ladzguiib pchug zho guic Juan. Bdzin̄ zho, zhoobsew tib len̄ plat bdeed zhow lo ndzoop, dzigo güey ndzoop güeydeed ndzoopa lo xniaa ndzoop.

29 Zeene bin xpëēdscuel Juana, dzigo güey zho güeylis zho me ga güeyqueets zho me.

Bguiaan̄ Jesús gaay mil miech

(Mt. 14:13-21; Lc. 9:10-17; Jn. 6:1-14)

30 Zeene laa gza xpëēdscuel Jesús bdzin̄ lo me stib, psilo zho bzodiidz zho lo me grēse tel̄ zha güey zho, grēse tel̄ zha güeyseed zho miech. Per miech guizhiu ne ndxie lo me, zha ne rbi, zha ne rdzin̄; haxta ni riobd gow me grē xpëēdscuel me. Dzigo rēb me lo zho:

31 —Mazd golgotsaa guio ne tib zaatne zitlaa lo grē miech rii, zeena grieelo gdziiladz to niip.

32 Dzigo bzëeb me tib len̄ barcw grē me zho, laa zho zie.

33 Nzian zha ne gon̄ zie me, been̄bey zho ne mew. Dzigo ndal miech ne no grē guiedz gax co brie, rias zho zie zho glole zho bdzin̄ zaatne no gdzin̄ me.

34 Zeene biet me len̄ barcw, gon̄ me laa grē miech guizhiu co ndxiele ga. Pquia zdoo me

zho gon me scataa ndxie zho zootle grë mëcwxiiil yeen ne guiend xbaxtor, dzigo psilo me nzian grë ncuaaṅe pseed me zho.

³⁵⁻³⁶ Gol bdze dze co, wbig xpëëdscuel me lo me rëb zho:

—Mazd gudz lo grë miech qui guey zho na, zeena guiob tsie zho grë guiedz ne ndxie dib gax i, tsiesi zho ncuaaṅe gow zho; sac gon laa dze bdzele, ni choot miech guiend nu.

³⁷ Pquiab me rëb me lo zho:

—To goldeed ncuaaṅe gow zho.

Rëbchaa zho lo me:

—¿Pe zhizhe dimi ne yquuin gziuu quietxtil ne gow grëtaa miech qui?

³⁸ Dzigo bnabdiidz me lo zho, rëb me:

—¿Bla quietxtil ziaadnie to? ¡Golwi dien!

Zeene biire zho güeyso zho, rëbchaa zho lo me:

—Loxaque gaay quietxtil ziaad, ni ziaad chop mel.

³⁹ Dzigo bnabey me bzob grë miech co, wdzeep-aaw bioogse lo guizh nguia ne zëeb ga ndxie zho. Tib dzoonga tib dzoonga zho bre,

⁴⁰ zaatne bre tib gayoo zho, zaatne bregaa grol gayoo zho.

⁴¹ Dzigo bzhen me gza gaay quietxtil co, ni grop mel co, blis lo me bui me nëz gbaa, bdeed me xquizh lo Dios. Blozh ga, beengrol me quietxtil co, zigse rdeed mew lo xpëëdscuel me, scase scase noguiiz zhow lo grë miech co. Scaque been me grop mel co.

⁴² Grëse miech co, dow zho haxta zaatne bieltaa zdoos zho.

43-44 Miech tafa, zha bguise rgaa zig gaay mil; ni zeene blozh dow zho, scase ncuaane nroob biaan, biodzë tsiipchop chicuid bio grë guietxtil co, bio grë mel co.

Rzë Jesús lo nisdo

(Mt. 14:22-27, 34-36; Jn. 6:16-21)

45 Zeene blozh ga, bnabey Jesús xpëëdscuel me bzëëb zho len barcw, zeena zienerga zho tedquia zho stib nëz ro nis co, gdziñ zho guiedz ne lë Betsaid; laa me bii blëz ga, nozonëz me grë miech co.

46 Blozhse bzonëz me zho, dzigo güey me tib guic gui zob gax ga, güeyzodiidznie me Dios.

47 Zig rguets liuw, laa barcw ne zie xpëëdscuel me ga no lo nis co. Laa me zo ga tipse me,

48 ran me rlu ib gacd csëëniob zhow, sac rriee me rtsire mew. Merle guimbe liuw, tibaque zeene gon zho laa me bdziñ zaatne zie zho ga; tib lo nis co ziezë me, rac me zig nac zeene tibted me lo zho.

49 Zeene gon zho laa men co sca ziaad-zë lo nis co, bdzieb zho, broptsie zho rnee zho:

—¡Tib ndziin i gon ziaad i!

50 Sac grëse zho ranlo zho laa me sca ziezë lo nis co. Dzigo bnee me lo zho rëb me:

—¡Gdziebde to, naa zial nu!

51 Zeene laa me biep len barcw ne zie zho ga, laa me co blëz; dzigo mazdraa bzee zdoo zho.

52 ¡Per ib rienñ zho cho nac me, niicle ne gone zho been me milagr nroob co bguiaan me miech guizhiu co!

53 Zeene laa zho bdziñ stib nëz ro nis co, zaatne nac xtan zha Genesaret, dzigo laa zho pxidoo xbarcw zho ro nis ga.

⁵⁴ Loxaque biet me len̄ barcw laa grē miech co been̄beyle me.

⁵⁵ Rias zho güey zho grē guiedz co, güeynie zho diidz laa me bdziñ ga. Dzigo psilo grē miech co rxob zho zhimguidz zho lo yag, rdziñnie zho zho lo me zaatne rontaa zho no me.

⁵⁶ Zaatne gdziñtaa me, niicle guiedz nrooba, niicle guiedz lasa, rbee grē miech co zhimguidz zho rienie zho zho zaatne nac len̄ guiedz; ga rnab zho lo me siguiel̄ me maase ni lar ne mbixse me xen̄ grē men̄ rzacnē co. Ni grēse zha ne rzhen̄ xab me, riac zho.

7

Ncuaane runctal xtol̄ miech (Mt. 15:1-20)

¹ Tib dze, bdziñ bla zha farisé, ni zla maistr ley ne ziaad nēz Jerusalén, lo Jesús.

² Dzigo gon̄ zho blalaa zha ne nac xpëedscuel Jesús, zeene laa zho row rguibd zho nia zho zigne nacpaa grē zhiwseed xmengol zho.

³ (Nac zha farisé, ni grësegaa zha Israel tel̄ne tsard nia zho zigne nac xcostumbr xmengol zho, ible rowd zho; sac zienaldox zho miñe nac costumbr.

⁴ Zeene rbire zho lo lgui, ib no mod ne riar nia zho dzigora rzoob zho row zho. Nzian grē wseed co psan̄ xmengol zho zienal̄ zho, zig nac zha riar grē tas, grē cant, grē xtsiñ rotie zho miñe niaa guib, ni grē lo bangw ne rzoob zho row zho.)

⁵ Dzigo rëb zho lo Jesús:

—¿Pe nacne zienald xpëedscuel luu mine blu xmenḡol ne? ¿Pe nacne squize nia beed zho i row zho?

⁶ Pquiab Jesús rëb me lo zho:

—Nlipaa mine bnee Isá, men ne biaad pteed Xtiidz Dios, zeene znu pquiaa me:

Grë miech rii, rquiaalose zho runnon zho naa, rond zho diidz guḡ zho mine rnabey naa.

⁷ Paat rquiind riaad zho riaadgan zho naa; sac niapse guicle zho riab grë wseed ne quialu zho lo miech.

⁸ Sac tel to goḡ, nosaan to grë mine rnabey Dios, lel grë xcostumbr miech zienal to.

⁹ Xcostumbr to nac mine mazdraa rioxco to, laa mine rnabey Dios quiasañ to tib lad.

¹⁰ Led znu goḡ rnee ley ne bdeed Dios lo Moisés: “Goḡ pxoz luu, goḡ xniaa luu”, ni no stib mine rnee: “Zha ne quie pxoz, quiegaa xniaa, ib none guet zho.”

¹¹ Laa to lel rnee to, zac guḡd miech xyudar xmenḡol zho, telne bloogonle zho pe nac ncuaane rieguial gdeed zho lo me.

¹² Tole rdeete diidz ga guḡ zho xyudar pxoz zho, xyudar xniaa zho.

¹³ Tib ladle goḡ rsan to Xley Dios ga sca run to, lëëpaaze grë costumbr ne biaan̄nie to, ni quiasangaa to lo zha ne ziaadquia, miḡ co noxco-raa to. Ni nzianraa grë falt ne squi quiaayun to.

¹⁴ Dzigo bnee me lo grëraa miech ne ndxie ga, rëb me lo zho:

—Golquiaadiag mine gni naa lo to nu, ni goltsoxco guien to zha naca.

15-16 Golgacnan ganle: Grë ncuaane rdzin zdo miech, led mincod runctal xtol zho; sinque grë ncuaane ntseeb ne rza zdo zho, min co nac mine runctal xtol zho.

17 Laa zeene laa me bdzin ro yu grë xpëedscuel me, dzigo bhabdiidz zho lo me dien zha nac diidz ne sca rëb me lo grë miech co.

18 Rëbchaa me lo zho:

—¿Pe niicle to riendaquew dzigo lëe? ¿Pe riende to, grë ncuaane row miech, led mincod runctal xtol zho?

19 Sac grë ncuaane row zho rdzinda len zdoomban zho, zhaa zaatne rdzina. Grë guielwagw, len bziuud zdoose zho, len zhitriipse zho rieteda, rlozh ga rriegaw xcuerp zho.

Ga blu me lo zho ganle, grëse ncuaane nac guielwagw lëda runctal xtol miech.

20 Ni rëb me lo zho:

—Mine rza zdoomban miech, min co nac mine runctal xtol zho.

21 Sac zdoomban zho rza grë ncuaane ntseeb ne run zho, zig nac:

zeene rio zho grë zhgab yozh,

zeene run zho grë guielyozh,

zeene rban zho,

zeene rut zho samiech zho,

22 zeene rionie zho zha ne nacd tsieeld zho,

zeene rzoobladz zho ncuaane rap stib miech,

zeene run zho grë guielntseeb,

zeene rquidie zho,

zeene rien zho run zho grë ncuaane ndzinlid,

zeene në rac zdo zho ran zho cho zha ne stibned,

zeene rzhixcuaa zho diidzguizh,

zeene racniats zho,
zeene run zho grëraa ncuaane paat rquiind.

²³ Grëse ncuaane ntseeb rii, zdoomban miech rzaw, ni lëew nac miñe runctal xtol zho.

Biac xpëed tib wnaa zit

(Mt. 15:21-28)

²⁴ Ga brieë Jesús, laa me zie nëz Tiro. Zeene bdziñ me nëz co ga bdziel tib yu ne blëz me, gocladz me choot niacnañd ne laa me no ga; per brieeloda, znuse bien diidza.

²⁵⁻²⁶ Zeene bin tib wnaa Sirofenis laa Jesús bdziñ ga, dzigo güey me, sac noguitnie men̄dox tib xpëed me. Zigne bdziñ me pquiitsgzhib me lo Jesús, rnab me tsiegun̄cxoon̄ Jesús men̄dox co. Tib wnaa zit nac wnaa co;

²⁷ dzigo rëbchaa Jesús lo me:

—Blëz niip dien̄. None glo mëed gow, nonguiel̄da cuee ne guiet nia mëed gdeed new lo mëcw.

²⁸ Pquiab wnaa co, rëb me:

—Nli scaw, zigne rnee luu i; per niicle mëcwa led rio ma zhan mezh rtop ma grë miñe rrieengaa nia mëed.

²⁹ Dzigo rëbchaa Jesús:

—¡Squiw nagon̄! Lëëgazha i rnee luu. Peet tsieniedraa guic luu naa sca; bzë, laa men̄dox ne nosacsi xpëed luu bichele.

³⁰ Laa wnaa co zey. Zeene bdziñ me lidz me, gon̄ me ine laa xpëed me nixse lo lon, per laa men̄dox co psaanle win.

Biac tib men̄ ne rcuaat

³¹ Ga brieë Jesús, güeyted me nëz Sidón. Sidón brieë me bdziñ me ro Nisdoo Galilé stib, zaatne nac xtan zha Decápolis.

³² Ga bdiḡḡnie zho tib mgui lo me, rcuaat mgui ni nca rnee mgui; bnab zho lo me cxobnia me guic mgui guḡḡiac me mgui.

³³ Dzigo blee me mgui lad grē miech ne ndxie ga. Zitlaa güeynie me mgui, ga psëëb me mzhugnia me gropse leḡ diag mgui ni bdëëb me zhindzuc me lo ludz mgui.

³⁴ Blozh ga, blis lo me bui me nëz gbaa, bneeladz zdoo me, dzigo rëb me:

—¡Bzhial! (¡Efata!)

³⁵ Zigne sca bnee me, laa diag mgui co bzhial, niicle ludz mguiw laaw wban, laa mgui psilo bneenal.

³⁶ Dzigo pso Jesús diidz lo grē miech co, choot lo gzodiidzd zho zha biac mgui co.

Per laa ne rso me diidz lo zho, dzigole nëzrii, nëzrec rzodiidz zhow;

³⁷ sac rzeedox zdoo zho goḡ zho miḡe beeḡ me ga.

—¡Ncuaaḡe gzee zdoo ne i beeḡ meḡ qui! —rnee zho—. Zha haxta nguaat, haxta ngop, ruḡḡiac me.

8

Bguiaaḡ Jesús tap mil miech (Mt. 15:32-39)

¹ Leḡ dze co, miech guizhiu ne biire pcaalsa lo Jesús stib. Zeeḡe goc tsoḡ ngbidza, guiendraa ncuaaḡe gow zho. Dzigo bredz me xpëëdscuel me, rëb me lo zho:

² —Rquia zdoo naa grē miech rii, tsoḡle ngbidz ga rac blanso zho nu, ni na quianiedraa zho ncuaaḡe gow zho.

³ Telne squise zho gzonëz naa zho, glëbd zho, scow zho nëz, sac no zho zit brieë zho ziaad zho nu.

⁴ Pquiab zho rëb zho:

—¿Per pe yguiaan ne zho? ¿Pa guioxi ne guietxtil ne gow grëtaa miech qui dan rii, naca zaatne guien miech?

⁵ Dzigo bñabdiidz me lo zho, rëb me:

—¿Bla guietxtil ziaadnie to i?

—Gadzaquew —rëb zho.

⁶ Dzigo bñabey me grëse miech co bzob zho liu. Blozh ga bzhen me gza guietxtil co, bdeed me xquizh lo Dios; blozhse bdeed me xquizh lo Dios, zigse noyungrol mew, scase scase rdeed mew lo xpëëdsuel me rguiz zhow lo grë miech co.

⁷ Zienie zho zla mel las; bzhen me gza mel co bdeed me xquizh lo Dios, blozh ga bñabeya que me zho bdiiz zho ma.

⁸⁻⁹ Grëse miech co, dow zho haxta zaatne bieltaa zho dzigo laa me bzonëz zho. Rgaa zho maase tap mil, ni zeene blozh dow zho bii bdop gadz chicuid mine biaan.

¹⁰ Blozh ga, laa me bzëëb len barcw grë xpëëdsuel me, laa zho zie nëz xtan zha Dalmanut.

Racladz zha farisé gan zho milagr

(Mt. 16:1-12; Lc. 12:54-56)

¹¹ Blalaa zha farisé ne no nëz co, zeene bin zho laa me bdziñ ladz zho, güey zho rzadraa ncuaane rliisqui zho lo me. Rñab zho glu me cho nac me, rëb zho lo me:

—Racladz no dzianlo no gun luu tib milagr, telne nli gbaa ziaad luu.

¹² Zeene gon me sca rac zho, bio me guielnë; dzigo haxta bneeladz zdo me, rëb me lo zho:

—¿Zha rnaraa milagr ne racladz to gan to? Gneli naa lo to ganle, ni stib milagr gon gandraa to.

¹³ Blozhse sca rëb me lo zho, ndxieque zho ga laa me bzëëb len barcw laa me zie stib nëz ro nis co.

¹⁴ Zeene brie zho ga, zoladz xpëëdsuel me ney zho ncuane niow zho, lëe gdib tib guietxtil zienie zho len barcw.

¹⁵ Laa zho zie, tibaque zeene rëb me lo zho:

—Golguien gon, napaa noyac-wet to lo zhincobi zha farisé, lo zhincobigaa rey Herod.

¹⁶ Zeene bin zho sca rëb me, bza zdo zho rnee zho:

—Ne gon me nagon ziaadnied ne guietxtil gane squi rnee me.

¹⁷ Bien me sca rnee zho, dzigo rëbchaa me lo zho:

—¿Pe nacne rnee to ziaadniede to guietxtil? ¿Riende to lëe zha rne naa? Ndip nac zdo to gane riende tow.

¹⁸ ¿Pa rquiin lo to, pa rquiin diag to ne laaw zob?

¹⁹ ¿Pe rsoladzde to zeene gaayaque guietxtil ni bgaaw bguian naa gaay mil miech? ¿Bla chicuid biodzë mine biaan hor co?

Pquiab zho rëb zho:

—Tsiipchopa.

²⁰ Dzigo rëbchaa me:

—Zeene waa gadzaque guietxtil co, ni bguian naa tap mil miech, ¿bla chicuida biaan?

—Gadz chicuida —rëb zho.

²¹ Dzigo rëb me lo zho:

—¿Pe niicle nana riendaque to pe rne naa?

Biac tib men ne rcow lo

22 Bdzin̄ Jesús guiedz ne lë Betsaid, ga güeynie zho tib mgui ne rcow lo lo me, bnab zho cxobnia me guic mgui gun̄guiac me mgui.

23 Dzigo bzhen̄ me nia mgui güeynie me mgui zaatne nacle ro guiedz co. Ga bdëëb me zhinzuc me len̄ bziaalo mgui, ni pquiaania me zhits guidlo mgui; blozh ga bnabdiidz me lo mgui dien̄ pe ran̄le mgui palal.

24 Zeene laa mgui bui, rëbchaa mgui:

—Ran̄le naa niina nagon̄ laa miech ziezë; per masaque ran̄ naa zho zig rlu grë yag.

25 Dzigo biire pquiaania me zhits lo mgui. Zeene laa mgui bui stib, ndiple rwi mgui laa lo mgui biacle. Grëse ncuane ran̄ mgui, niicle zitraaw niini ran̄ mguiw.

26 Dzigo bzonëz Jesús mgui nëz lidz mgui, pso me diidz lo mgui tib nëz guey mgui, choot lo tsiezodiidzd mguiw lad guiedz.

Bnee Pedr cho nac Jesús

(Mt. 16:13-20; Lc. 9:18-21)

27 Blozhse ga, laa Jesús brieë ga grë xpëëdscuel me laa zho zie nëz Cesarea de Filipo, zieted zho grë guiedz las ne ndxie nëz co. Laa zho no nëz, tibaque zeene bnabdiidz me rëb me lo zho:

—¿Cho dien̄ ron to rnee miech nac naa?

28 Pquiab zho, rëb zho:

—No zho rnee Juan Bautista, no zho rnee Lív, men̄ ne biadteed xtiidz Dios padzeela; nogaa zho rnee no cho stib men̄ ne ziadteed xtiidz Diosa.

29 Dzigo rëb me lo zho:

—¿To waa, cho rzac to nac naa?

Pquiab Pedr, rëb Pedr lo me:

—¡Luu nac Men ne zëeble diidz ga cxeel Dios guiaad lo guidzliu!

³⁰ Dzigo pso me diidz lo zho choot lo gneed zhow.

Bzeet Jesús zha gun miech me

(Mt. 16:21-28; Lc. 9:22-27)

³¹ Bded ga, psilo Jesús bzeet me lo grë xpëëdscuel me zha csacsi miech me. Rëb me nroob grë ncuane cteed zho me; grë zha non lo menguedz, grë pxoz nroob, grë zha ne rseed miech ley, ible stsidil zho me, ni haxta zut zho me; per zeene gac tson ngbidz gut me laa me grieeban.

³² Grëse mine ted me, laaw nozodiidz me lo zho.

Gon Pedr sca rnee me, dzigo bredz Pedr me, blisqui Pedr lo me dien pe nacne rnee me laa me guet.

³³ Zeene gon me zha rzë xtiidz Pedr, zoque Pedr ga biecw me bui me lo grëraa xpëëdscuel me, goctox me rëb me:

—¡Biche lo naa nu mendox! Zienied guic luu mine rnabey Dios, sinque laa guic luu zienie mine racladz luu.

³⁴ Dzigo blunia me lo grë miech ne ndxie ga, yquiaadiag zho mine gnee me; rëb me:

—Zha ne racladz sëëb xnëz naa, none cueeladz zho zho, none lëb zho guiaadnal zho mine rnabey naa, niicle tel min co yquiaaqui csacsi miech zho. Nodne yquia zdoo zho xquielmban zho.

³⁵ Sac zha ne yquia zdoo xquielmban, lel znu nitlo zho; sangue zha ne sca cueeladz xquielmban porne rleynie zho naa, porne rleynie zho grë Diidz Ndzon rii, zha co ygaa tib guielmban ne mazdraa ndzon.

³⁶ Nana, tel zha ne gunlo grëse ncuane no lo guidzliu rii. ¿Pa yquiin grë ncuane co lo zho, tel lëew yquiaaqui laa zho guey gabil?

³⁷ ¿Niacxe zrieelo gdziib zho dimi co laa zho len gabil?

³⁸ Naa ne nac naa Men ne pxeel Dios zial naa lo guidzliu, zha ne ctoladz guiab zho lo grë miech ngoopdol rii laa zho no xnéz naa, o ctoladzniegaa zho xtudz naa, scaque naa stoladznie naa zho gal dze ne laa naa guial stib. Dze ne guialnie naa grë anjl, ni glu naa grë guielndzon ne rap Dios.

9

¹ Ni rëb me lo grë miech co:

—Gneli naa lo to ganle, nzian grë zha ne ndxie nu niina ib tedsod gardaque guet zho, bii zañ zho ganle zeene laa Dios glu ne nli men rnabey nac me.

Bdzëëlo Jesús

(Mt. 17:1-13; Lc. 9:28-36)

² Goca xoop ngbidz, brieë Jesús gza me Pedr, Jacob ni Juan, güey zho bzoquia zho tib guic gui glaa.

Bdziñ zho glaa guic gui co, tibaque zeene gon zho laa me bdzëëlo.

³ Masaque rquiabni xab me, nquitsbie rnaw; ni tib miech grieelod scataa mbe quib lar.

⁴ Gonlo zho zeene laa Lí ni Moisés (grop zha ne biadteed xtiidz Dios glo) bdziñaque, laa zho nozodiidznie me.

⁵ Dzigo rëbchaa Pedr lo me:

—Maestro, ¡ne nligaa wena guiaañ ne nu! Laa no gzaa tson yu yag xiid win nu tso to: tiba tso luu, tiba tso Moisés, stiba tso Lí.

⁶ Rdzieb Pedr gza Pedr schop zha co, lo dzeb co niicle rien_udaque Pedr pe rnee Pedr.

⁷ Tibaque znuse bdop tib xcow pquia ngali zaatne zo zho ga; dzigo bin zho zëëb tib tsi me_n co lo xcow co, rnee me:

—Lëë xpëëd naa i gon, rleyne naa me. Golgon mine rnee me.

⁸ Lëëled biecw lo zho rwi zho, choot gon_udraa zho, Jesússe zo lo zho ga.

⁹ Blozhse ga, laa zho wbique ga. Laa zho ziezëëb dan noyet zho cho gui co, zeene rëb me lo zho:

—Mine gon to gon, choot lo gneede tow. Golcuëz haxta ga_l dze ne grieegan Me_n ne pxeel Dios.

¹⁰ Nacne choot lo bneed zhow, per psilo zho gza tson zho r nabdiidzlsa zho, zha mod grieegan tib zha ne gutle.

¹¹ Dzigo nabdiidz zho lo me, rëb zho:

—¿Bay zha nacne rnee maistr ley, glo Lí no guiaad stib, dzigora_a guiaad Me_n ne zëëble diidz ga cxeel Dios?

¹²⁻¹³ Pquiab me rëb me lo zho:

—Nliw, ible nacle diidz ne glo Lí guiadseed miech gon zho xtiidz Dios, per laa me biaadle; ni zigne bzeetse grë zha ne biadteed xtiidz Dios ted me, scase been miech me. Scaque Me_n ne cxeel Dios ga, rnee lo Xtiidz Dios nroob csaci miech me, ible gandzed zho me.

Biac tib niib ngop

(Mt. 17:14-21; Lc. 9:37-43)

¹⁴ Zeene bdzi_n Jesús zaatne biaan grëraa xpëëdscuel me ga, gza me Pedr Jacob ni Juan; gon zho miech guizhiu ne ndxie lo zho; blalaa zha ne nac maistr ley zo lo zho ga, nodi_ldiidznie zho.

¹⁵ Grē miech co, zeene gon zho Jesús, rley zho, rias zho güeydzieelo zho me güeyquiaa bdiuzh zho me.

¹⁶ Dzigo bñabdiidz me rēb me:

—¿Pe nadien squitaa nodildiidz to?

¹⁷ Lad grē miech co pquiab tib zho, rēb:

—Maestro, lo luu zialnie naa tib xpēed naa guṅguiac luu win; ib gacd gnee win sac noguitnie menḁox win.

¹⁸ Tel pataa zo win, zeene laa ma rzēeb zdo win rron ma win liu; ga nix win rdzib mtsiin ro win, ni row lay win; nrooble noyo win lēbdraa win sē win. Blansonie naa win nu, dzigo bñab naa lo xpēēdscuel luu guṅcxoon zho menḁox co, per brieelod zho.

¹⁹ Dzigo rēbchaa Jesús lo zho:

—¿Pe na squitaa miech nad nac to, ib rnalode to Dios! ¿Palal tiemp ne so naa gne naa lo to? ¿Ncuane cxecwdraa naa lo to squi nac to! ¿Goltēnie mēēdwin qui nu!

²⁰ Güey zho güeynie zho mēēdwin co lo me. Zigne gon menḁox co me, psilo beencxidz ma win, znuse biab win liu, rtiibxto win ni rdzib mtsiin ro win.

²¹ Dzigo bñabdiidz me lo pxoz win, goc palal dze psilo sca rac win.

Rēbchaa pxoz win:

—Bii mēdyeen win psilo squi rac win.

²² Pe zhidaa vuelt zieron menḁox qui win lo gui, zieron ma win lo nis ne, racladz ma gut ma win. Bzhiguiel telne zrieelo guṅguiac luu xpēed naa, ¿pquia zdo naa, been tib guielnzaac beenguiac win!

²³ Rēbchaa Jesús lo me:

—¿Zha rnee luu “te_lne zrieelow”? ¿Zha ne dib zdoo rnalo Dios, grëse ncuaane racladz zho, zaca!

²⁴ Lëëlëd pquiab pxoz mëed co, rëb me:

—Rnalo naa Dios, per bzhiguiel been xyudar naa, ¿dib zdoo naa gnalo naa me!

²⁵ Zeene gon Jesús laa grë miech co rbigberaa, dzigo goctox me lo men_dox ne noguitnie mëed co, rëb me:

—Men_dox, luu gon psan ngop mëed rii, luu psan nguaat win. ¿Niinagazh psaan win, ib gbiiredraa luu ygaal luu win!

²⁶ Horco biire been_cxidz ma mëed co stib, masaque roptsiedan ma laa psaan win, nixtaque win ga, zootle gutle win. Nzian grë miech co, tibaque nan zho gutle win.

²⁷ Laa zeene bzhen Jesús nia win, blis me win ga, laa win bzoli.

²⁸ Zeene bdziñ Jesús len yu ne rbëz me grë xpëedscuel me, bnabdiidz zho lo me rëb zho:

—¿Bay pe nacne brieelod no ndziun_cxooñ no men_dox cõ?

²⁹ Dzigo rëbchaa me lo zho:

—Grë men_dox ne sca nac, rquiin dib zdoo ne gnab ne lo Dios dzigo zrieelo gun_cxooñ ne ma.

Bzeet Jesús laa miech csacsi me

(Mt. 17:22-23; Lc. 9:43-45)

³⁰⁻³¹ Brieet Jesús ga grë xpëedscuel me, laa zho wbire nëz xtan Galilé stib. Racladz me cho gacnan pa lo no me; sac len dze co nzian grë ncuaane noseed me zho. Haxta bzeet me zha csacsi miech me, rëb me:

—Naa ne nac naa Men ne pxeel Dios, ible ziaab naa ladznia miech, ni zut zho naa. Per zeene gac tson ngbidz gut naa, laa naa grieeban.

³² Per ib riend zho pe nacne sca rnee me, niicle gnabdiidzгаа zho rdzieb zho gnabdiidz zhow lo me.

¿Cho nonraa?

(Mt. 18:1-5; Lc. 9:46-50)

³³ Bdziñ zho guiedz ne lë Capernaum; grëse zho laa zho ndxie leñ yu ne blëz zho, tibaque bnabdiidz Jesús lo zho, rëb me:

—Golnë dien, ¿pe scataa nodildiidz to zeene ziaad ne nëz?

³⁴ Ni tib zho ib pquiabd, sac zeene ziaad zho nëz quianeelsa zho dien cho nac zha ne nonraa.

³⁵ Dzigo bzob me, bredz me zho gza tsiipchop zho rëb me lo zho:

—Zha ne racladz gac zho zha non, none guiaanwin zho gac zho zig tib nguñdziin lo samiech zho.

³⁶ Dzigo bzo me tib mëëdbgui win glowtaa lo zho; blozh ga bdeedz me win ni rëb me lo zho:

³⁷ —Zha ne ngab xnëz naa, ni gleynie zho tib mëëdwin zig mëëdwin rii, guñ naa cuent naa ga rleynie zho; ni zha ne sca rleynie naa, yele men ne pxeel naa ga rleynie zho.

³⁸ Blozh ga, rëbchaa Juan lo me:

—Maestro, bdziñ no gon bzeet tib zha co lë luu zeene beñcxoon zho menox; nacne nli blisqui now lo zho, sac gon, led yed zho nacgrë ne.

³⁹ Dzigo pquiab me rëb me lo zho:

—iGuṅscade to! Sac goṅ zha ne sca rzeet lē naa zeenē ruṅ zho milagr, niacxe lēēque zha glēē lo naa.

⁴⁰ Zha ne nacie ne, glēēd zho lo ne.

⁴¹ 'Golḡacnaṅ sca gaṅle, grēse zha ne gdeed maase tib zhigaque nis guie zha ne ngab lo naa, ib tedsod stsire Dios miṅe been zho ga.

⁴² Saṅgue zha ne yguib guṅctal zho xtoṅ zho ne nac zho zig tib mēēdlas yeen; mazd lēētaa miṅe ted zha co sobdoo tib quie molin zhobxtil yquiaw yaṅ zho tsieron zho zho nisdoo.

Choot gdeete diidz guiab lo dol

(Mt. 18:6-9; Lc. 17:1-2)

⁴³⁻⁴⁴ 'Zha ne rien nia zho nac miṅe rquiaqui ruṅctal zho xtoṅ zho, mazd cchuggazh zho nia co zho. Peet nacd maase tibaque nia zho zob totsaque ygaa zho guieṅmban ndzon ne gdziṅd dze lozh, lēdle zob gropa ni laa zho guey gabiṅ, lo beldox ne gdziṅd dze guiuu.

⁴⁵⁻⁴⁶ Teṅe riengaa zho ni zho nac miṅe rquiaqui ruṅctal zho xtoṅ zho, mazd cchuggazh zho ni co zho. Peet nacd maase tibaque ni zho zob totsaque ygaa zho guieṅmban ndzon ne gdziṅd dze lozh, lēdle zob gropa ni laa zho guey gabiṅ, lo beldox ne gdziṅd dze guiuu.

⁴⁷ Teṅ tib logaa zho nac miṅe rquiaqui ruṅctal zho xtoṅ zho, mazd cueegazh zho bziaalo co zho. Peet nacd maase tibaque bziaalo zho zob totsaque ygaa zho guieṅmban ndzon co, lēdle zob grop bziaalo zho ni laa zho guey gabiṅ.

⁴⁸ Zaatne nac gabiṅ, ib gdziṅd dze ne guiuu lo bel co; grē mziog ne ndxie ga, gdziṅd dze ne nitlo ma.

49 Grēse zha ne gdziṅ ga, masaque cuib gui lad zho zig rbib zed lad bëël.

50 'Zig nac zed, rquiindoxa zeene nzhiw, per zeene nzhida, ¿pa dieṅ yquiina? Scaquegaa to nagon golgac zig zed ne nzhi, zeena yquiin to lo guidzliu rii; niowse golbannie samiech to, glëëlsade to.

10

Zha ne rsëbtsieel (Mt. 19:1-12; Lc. 16:18)

1 Brieé Jesús Capernaum güeyted me grë guiedz ne ndxie nëz xtan zha Judé, grë guiedz ne ndxie nëz daṅ ro guiubee Jordán. Miech guizhiu ne rcaalsa lo me, dzigo rsilo me rseed me zho zigne runtaque me.

2 Tib vuelte bdziṅ bla zha farisé gocladz zho niuṅgüet zho me, par dieṅ pe nxind me tib diidz; bnabdiidz zho rëb zho:

—Maestro, mgui ne racladz csëbtsieel, ¿pe gnë luu pe zrieelo csëbtsieel zho?

3 Pquiab me rëb me lo zho:

—¿Zha zho psan Moisés diidz lo to?

4 Pquiab zho rëb zho:

—Tel Moisésa, bdeed me diidz csëbtsieel zha ne racladz csëbtsieel, lëëraasi none yquia tib guits gdeed zho lo wnaa zaatne raquiet ne laa zho psaan wnaa.

5 Dzigo rëbchaa me lo zho:

—Ne squicxe waa miech nad nac to ib ronde to diidz, miṅ co nacte biaan ley co.

6 Per ib nodne csëbtsieel miech; sac gon, zeene psan Dios grëtaa ncuaane no, tib nëz miech bzaa me: tib mgui ni tib wnaa.

7-8 Gacxe waa, m̄gui ne rtsieelnia ib none greezhaa zho lo pxoz zho, lo xniaa zho, par gbanie zho wnaa ne nac tsieel zho; laa zho gactipse grop zho. Nacdraa zho chop miech, sinque laa zho rac tibaque.

9 Dios nac men ne psan ycatsieel miech, cho dzigo nac miech par quiits zho min̄e rnabey me.

10 Laa zeene bdzin me len̄ yu ne rbēz zho, dzigo bnabdiidzaque xpēēdscuel me min̄ co lo me stib.

11 Dzigo rēbchaa me lo zho:

—Mgui ne rsēbtsieel ni rbannie zho stib wnaa, noguitnie zho wnaa ne gocpaa tsieel zho ga, ni dol̄ ga run̄ zho.

12 Niicle wnaagaaw, wnaa ne rsēbtsieel ni rbanie zho stib m̄gui, lēēque dol̄aque ga run̄ zho.

Beenlay Jesús mēēdlas

(Mt. 19:13-15; Lc. 18:15-17)

13 Tib vuelt nzian men ne bdzin̄ bdziñnie zho xpēēdlas zho lo Jesús, par cxobniā me guic win gun̄lay me win. Grē zha ne nac xpēēdscuel me, lel̄ psilo zho ndox zho lo grē zha ne bdziñnie grē mēēdlas co.

14-15 Zeene gon̄ me sca quiayun̄ zho, wbin̄ladz guic me, dzigo rēb me lo zho:

—Ctsirede to grē mēēdlas yeen̄ qui, golsaan guiaad win lo naa. Sac gon̄ grē mēēdlas yeen̄, ni zha ne nac zigne nac win, zha co nac zha ne sēēb ygab lo Dios.

16 Blozhse sca bnee me, dzigo psilo me bdeedz grē mēēdlas co, ni pxobnia me guic win been̄lay me win.

*Bzodiidznie tib zha ricw Jesús
(Mt. 19:16-30; Lc. 18:18-30)*

¹⁷ Laa Jesús nole nëz tsie me stib guiedz, zeene rias tib niib nguieg bdziñ pquitsgzhìb lo me, rëb niib lo me:

—Nañ naa luu nac tib meñ ne noseed miech, ni tib meñ wen nac luu; ¿bnë dieñ pe nac miñe gun naa zeena ygaa naa guielmban ndzon ne gdziñdraa dze lozh?

¹⁸ Rëbchaa Jesús lo niib:

—Rnee luu lëë tib meñ wen nac naa. ¡Nligaaw, Diosse nac meñ wen!

¹⁹ Nañle luu ganle zha nac Xley Dios, rneew:

Gute luu samiech luu,
teñe nole tsieel luu, tsonied luu zha ne led tsieeld luu,
cuand luu samiech luu,
yquiadiidzguizhd luu samiech luu,
yquidieed luu samiech luu,
gon pxoz luu, gon xniaa luu; bin miñe rnabey me luu.

²⁰ Dzigo pquiab niib rëb niib lo me:

—Maestro, grësew zigne bzeetse luuw i, ni tiba gard quits naa wlal ne nac naa zha nguieg.

²¹ Dze rwi Jesús lo niib, rleynie me niib.

—Stibaque miñe rquiin gun luu —rëb me—, güey, güeyto grëse ncuaane quianie luu, dzigo bdiiz dimi co lo grë zha mban ne guieñd pe yquiin; sca nroobraa guieñzaac ne ygaa luu gbaa. Lozh ga, bleeladz xquielmban luu dënañ zhits naa.

²² Zeene bin niib co sca rëb Jesús, biab guieñë niib, mbanse rac niib laa niib zey; sac ne nligaa nroob ncuaane quianie niib.

²³ Dze rwi me gon me laa zha nguieg co zey, dzigo rëb me lo xpëëdscuel me:

—ıGrë zha ne squi rapchen, rzacxuu zho par sëëb zho xnëz Dios gnabey me zho!

²⁴ Zeene bin zho sca rëb me, rzee zdoo zho. Dzigo biire me bnee me rëb me lo zho:

—Xin, ıne nligaa tib miech ne ndziib rap chen, rzacxuu zho sëëb zho xnëz Dios gnabey Dios zho!

²⁵ Mazd znuse rded tib camell guieer guzh, lëdle sëëb tib zha ricw xnëz Dios.

²⁶ Zeene bin zho sca rëb me, mazdraa bzee zdoo zho, rnabdiidzlsa zho rnee zho:

—Bay, ıchose dzigo nac zha ne zrieelo sëëb xnëz Dios?

²⁷ Dze rwi me lo zho, dzigo rëbchaa me:

—Par miech zootle tsod zha ne grieelo sëëb xnëz me. Saņgue me, naņ me no zho; sac tsod ncuaaņe grielod guņ me.

²⁸ Dzigo rëb Pedr lo me:

—Teļ no, grëse ncuaaņe rdziaap no laa no psana, laa no ziaadnaļ zhits luu.

²⁹ Pquiab me rëb me:

—Grëse zha ne psan lidz, psan zho bets zho, bzian zho, xniaa zho, pxoz zho, xpëëd zho, liuņ zho, porne rliladz zho naa ni rliladz zho Xtiidz Ndzon Dios;

³⁰ nli nroob guielnë gan zho, per gneli naa lo to ganle: grëse ncuaaņe sca psan zho ga, lo guielmban riique laa zho gbiire gaņa stib tib gayoogaw tib tiba; ni ib tedsod zgaa zho tib guielmban ndzon ne gdziņdraa dze lozh.

³¹ Nli zig nac niina, no zha ne rzac zha non nac zho, per zeene gal dze co peet gacnond zho; laa zha

ne rzac zho peet nond, gal dze co lalga gac zho grë zho.

*Biire bzeet Jesús laa miech csacsi me
(Mt. 20:17-28; Lc. 18:31-34)*

³² Brieë Jesús ga laa me zie Jerusalén. Nzian grë zha ne zienal zhits me, nerse me lo zho laa zho zie. Grë zha ne nac xpëëdscuel mew, rzee zdoo zho; laa grëraa miech co per nli rdzieb zho. Dzigo bredz me gza tsiipchop zha ne nac xpëëdscuel me ga, psilo me bzeet me grëse tel zha ziaadyob ted me, rëb me lo zho:

³³ —Bii zaṅ to ganle, naa ne nac naa Meṅ ne pxeel Dios, niina ne laa ne gdziṅ Jerusalén ible zielo zho naa ladznia grë zha ne nac pxoz nroob ni grë zha ne rseed miech ley. Grë zha co gnab guet naa, ni saṅ zho naa ladznia grë zha ne nacdreaa zha Israel.

³⁴ Xidznie zho naa, stsuc zho lo naa, zguiṅ zho naa, ni haxta zut zho naa; per dze ne gac tsonṅ ngbidz gut naa laa naa grieëban.

³⁵ Dzigo wbig gax Jacob grop Juan (xingan Zebedé) lo me, rëb zho:

—Maestro, laa no gnab tib favor lo luu, per racladz no siguiel luu guṅ luuw.

³⁶ Dzigo rëb me:

—¿Pe favor ne racladz to guṅ naa lo to?

³⁷ Rëbchaa zho:

—Laa no racladz, siguiel luu zioob no cue luu gal dze ne laa luu nac rey rnabey luu, tib no nëz derech stib no nëz revés.

³⁸ Pquiab Jesús, rëb me lo zho:

—iNi to gon riend pe rnab to! ¿Pe zleb to gan to gre guienē ne gan naa, pe zleb to ted to gre mine teed naa?

³⁹ Rēbchaa zho:

—iZlēb no!

Dzigo rēbchaa me lo zho:

—Nli zan to guienē ne gan naa, ni zded to mine teed naa;

⁴⁰ per ne gnedz naa diidz sob to cue naa nēz derech o nēz revésgaa, led naad raguial min co; laa lugar co biaanle par zha ne nole diidz ygaaw.

⁴¹ Grēraa zha ne nac xpēēdscuel me, zha ne nacgza Jacob ga grop Juan, zeene bin zho zha rzē xtiidz Jacob grop Juan blēē zho lo zho.

⁴² Dzigo bredz Jesús zho grēse zho, rēb me lo zho:

—Raṅ to ganle zha ruṅ grē zha ne rnabey grē guiedz ne ndxie lo guidzliu, ni grē zha ne nac zha non, masaque rnabey zho samiech zho zigne racladztaa zho.

⁴³ Sangue to gon, gunscade to. Lo gza to, zha ne racladz gac zho zha non lo to, laa ne glu zho zha non zho, none glo zho guiaanwin gac zho zig tib ngundziin lo to.

⁴⁴ Scaquegaa, zha ne racladz gnabey lo to, none glo cseed zho gun zho mine gnabey to zho.

⁴⁵ Golgan ganle, niicle naa ne nac naa Men ne pxeel Dios, ziald naa par gnabey naa miech, sinque laa naa zial par gac naa tib ngundziin lo zho, ni gded naa xquielmban naa zeena laa zho lo grētaa ncuane ngadoo zho. Ni nanpaa naa miech guizhiu ne laa.

*Biac tib men lē Bartimé
(Mt. 20:29-34; Lc. 18:35-43)*

46 Sca no grë miech guizhiu co nêz, laa zho bdziñ guiedz Jericó. Laa zeene laa grë miech taf co zieriee ro guiedz co, laa tib mguì ciegw lë Bartimé zob ga rtop gon (xingan tib men lë Timew).

47 Zeene bin Bartimé ye Jesús (Nazaren) ziaad ga, psilo me nguiedz rbedz me, rnee me:

—¡Jesús, men xtii rey David, pquia zdoo naa!

48 Nzian grë miech co ndox lo me nan zho guioog ro me, per dzigole mazdraa nguiedz roptsie me, rnee me:

—¡Jesús, pquia zdoo naa!

49 Dzigo pcuëëzni Jesús, bnabey Jesús güeytsedz zho me. Bdziñ zho lo me, rëb zho:

—¡Ligier guso i! Dë ganle laa me rbedz luu.

50 Zeene bin mew, haxta squi bron me lar ne mbix me, guso me ga laa me bdziñ lo Jesús.

51 Dzigo rëbchaa Jesús lo me:

—Bnë nadien, ¿pe racladz luu gun naa?

Pquiab me rëb me:

—Maestro, racladz naa guiac lo naa.

52 Dzigo rëbchaa Jesús:

—¡Niinagazh laa lo luu gan! Laa luu biac, sacne dib zdoo luu bnalo luu naa. Ligier na bzë.

Horcogazha laa lo men co psilo bui, laa me zienal zhits Jesús.

11

Bdziñ Jesús Jerusalén

(Mt. 21:1-11, 18-19; Lc. 19:28-40; Jn. 12:12-19)

¹ Zhile gdziñ zho Jerusalén, laa zho zie gax za-atne riaan guiedz Betfagé ni guiedz Betain, nêz dan squi riaan Gui Oliv, zeene bredz Jesús chop xpëëdsuel me

² rëb me lo zho:

—Goltsie guiedz win ne ndxie danse lo ne i. Zigne sëëb to lad guiedz, laa tib burr quiadoo ga, ni tib miech gard sob lad ma; dzigo golxadz ma, goltënie ma nu.

³ Tel cho gnabdiidz pe nacne noxadz to ma, dzigo golguiab: men ne rnabey ne men co rquiin ma, na zigne lozh xtsiin ma guiaadsan no ma.

⁴ Laa zho zie, nligaaw laa zho güeydziel burr co quiadoo ma tib ro nëz, gax tib ro yu.

⁵ Blalaa zha ne zo ga, zeene gon zho laa zho noxadz ma, rëbchaa zho:

—¿Pe gun to burr qui dzigo na, ne noxadz to ma?

⁶ Dzigo pquiab zho zigne rëbse Jesús lo zho ga, nacne bdeed men co diidz laa zho zienie ma.

⁷ Bdzinnie zho ma lo Jesús lëëque lar ne rbix zho pxob zho lad ma, bzobga me ma.

⁸ Nzian grë miech co zigse zie Jesús, scase scase ner zho rta zho lar ne rbix zho rded me, nogaa zho rchoo nia grë pe yag rdziin zho zaatne rded me.

⁹ Grëse zho, niicle zha ne ner lo mew, niicle zha ne nal zhits mew, rley zho nguiedz roptsie zho, rnee zho:

—¿Zha ndzontaa men qui pxeel Dios lo ne!

¹⁰ ¿Zha wentaa ziaad me gac me zhirey ne! ¿Me gnabey zigne bnabey pxozgol ne rey David! ¿Zha ndzontaa Dios ne zob gbaa!

Sca nguiedz roptsie zho rleynie zho me, laa me bdzin Jerusalén.

¹¹ Bdzin me Jerusalén, güey me güeyso me len yadoo. Blozhse bui me dipse len yadoo, laa me brieque ga laa me zie nëz Betain grë xpëëdsuel me, sac bdzele dzew.

¹² Biini liu, loxaque zieriee zho Betain laa me psilo rcaabedz.

¹³ Zitlaa ziaad me gon me tib zhan yag guigw, nxii nac low zëeb zhiblaga; dzigo zie me zieso me dien pe gdziel tib guigw low gow me. Bdzin me zaatne zoba, ni tib guigw guiend low loxaque zhiblagsew scataa zëeb, sac gardpaa gdziñ mēē ne rquia guigw.

¹⁴ Dzigo rēb me lo yag guigw co:

—¡Squitaa nagon guiaan luu! ¡Gdziñdraa dze yquia nex lo luu gow miech!

Grēse xpēēdscuel me, bin zho sca bnee me lo yag co.

Blee Jesús miech len yadoo

(Mt. 21:12-17, 20-22; Lc. 19:45-48; Jn. 2:13-22)

¹⁵ Bdziñ zho Jerusalén, bzëeb me len yadoo. Psilo me blee me grēse miech ne quiayun lgui ga, zigtaa zha ne no wtow, zigtaa zha ne no wziv. Grē zha ne no wto palom, grē zha ne notsēē dimi, ptiixche me xmez h zho.

¹⁶ Blozh ga, pso me diidz choot nodraa sēēbnie grē ncuaan co len yadoo,

¹⁷ rēb me lo zho:

—Led znu gon rnee lo Xtiidz Dios: “Zaatne nac lidz naa nu, nu guiaad grēse miech ne ndxie lo guidzliu sodiidznie zho naa.” Laa to gon quiayun to lugar rii zig tib zhibliee ngbaan.

¹⁸ Grē zha ne nac pxoz nroob ni grē zha ne rnabey lo maistr ley, bin zho sca rēb me, dzigo psilo zho rguib zho dien zha gdeeda diidz gut zho me. Per rdzieb zho lega gnaaz zho me, sac ndal miech ne rley rquiaadiag zhiwseed me.

19 Zeene laa liu pcow, laa me wbiq̄ue Jerusalén stib gr̄e xp̄eēds̄cuel me.

20 Biini liu co, laa zho zieded zaatne zob yag guigw ne sca güeyguib me nex lo ga, gon̄ zho laaw bidzle dib low.

21 Dzigo been̄csoladz Pedr mew, rēb Pedr:

—Maestro, bui gan̄le laa yag guigw ne bdzibdee luu ga bidzle.

22 Pquiab me rēb me:

—Zha ne dib zdoo rnal̄o Dios,

23 gn̄eli naa lo to gan̄le: Niicle ncuaane mazdraa ngan̄ gnab zho lo me, zun̄ mew; lēeraasi none dib zdoo zho gliladz zho zac miñe rnee zho, ni palal gacchopd guic zho.

24 Gol̄gona sca gan̄le, gr̄ese ncuaane gnab to lo Dios, dib zdoo to golliladz ne zneedz mew, dzigo sca zac miñe rnab to.

25 Ni zeene gnab to lo Dios, gol̄soladz dien̄ pe no cho rlēēnie to, dzigo gol̄gun̄ zho perdon; zeena scagaa, Pxoz to men̄ ne zob gbaa zun̄ me to perdon tel̄ pe nactaa xtol̄ to.

26 Sac tel̄ne gunde to samiech to perdon, dzigo niicle megaa, gund̄ me to perdon.

Cho rnabey Jesús

(Mt. 21:23-27; Lc. 20:1-8)

27 Blozh ga, laa zho bdzinaque Jerusalén stib. Lēetaaque laa Jesús quiawi dib len̄ yadoo, zeene bdziñ bla zha ne nac pxoz nroob, bla zha ne nac maistr ley ni zha ne nac men̄ non lo men̄guiedz,

28 rēb zho lo me:

—¿Cho dien̄ nac luu ne squitaa ziaadnabey luu len̄ yadoo? ¿Cho rnabey luu?

29 Pquiab me rēb me lo zho:

—Laa naa guṅ tib wṅabdiidz lo to. Telne stsiṛe to low, dzigo gni naa lo to ganle cho rṅabey naa ne laa naa noyṅ grē ncuaaṅ noyṅ naa.

³⁰ Goṅnē dien, ¿cho pxeel Juan biaad me pchoobnis me miech? ¿Pe Dios pxeel me, te miechsew ye?

³¹ Psilo zho rṅabdiidzlsa zho, rnee zho:

—Telne dzieets ne Dios pxeel Juan, dzigo laa me gnē: “¿Pex nac dzigo waa bliladzde to miṅe bnee Juan?”

³² Tel na dzieetsgaa ne: “Miechse pxeel Juan, greeequiadaque ne.”

Rdzieb zho niab zho miech pxeel Juan, sac grēse menṅuiedz naṅ ne nli Dios pxeel Juan biadteed Juan xtiidz Dios lo miech.

³³ Dzigo mazd miṅe been zho, rēb zho:

—Ndionṅ no dien cho pxeel Juan.

Dzigo rēbchaa me lo zho:

—Niicle naagaa nagon, grieelod gni naa lo to cho rṅabey naa quiayṅ naa grē ncuaaṅ rii.

12

Xcuent zha ne pqianap liu

(Mt. 21:33-46; Lc. 20:9-19)

¹ Dzigo psilo Jesús bzodiidz me tib cuent, rēb me:

—Tib mṅui name, nroob lbē uv beenbni me lo liuṅ me. Psilo me ptse me igose liu co, bzaa me zaatne gzhii grē uv co, ni bzaa me tib yu glaa zaatne sob zha ne yquiaanapa. Blozh ga, blediṅ me liu co lo bla zha ne ran liu, dzigo laa me brieega, laa me zey zit.

² Zeene goṅ mēē ne ral uv, pxeel me tib xmoz me lo zha ne quianap liu co, parne gdeed zho uv ne rieguial me ycaa me.

³ Per leḷ bnaaz zho moz co, bdiṅ zho zho; blozh ga, scase bzonëz zho zho.

⁴ 'Dzigo biire meṅ ne naccheṅ liu co pxeel me stib moz, scasaque been zho: gocntseeb zho lo moz co, pquiaago zho zho, bdiṅ zho zho, blë zho guic zho.

⁵ 'Biireque me pxeel me stib zho, zha cole beet zho. Ni bü pxeel me nzianraa zho, no zho psiwee zho, nogaa zho beet zho.

⁶ Tibaque zeene loxaque xinganse me riaan. Rleyniedox me xpëed me, per laa me pxeel me, bza guic me rëb me: "Gaṅse zho xpëed naaw, zon zho miṅe gnee me."

⁷ 'Zeene goṅ zho laa xpëed me bdziṅ, rëbchaazho: "iLëë zha qui nagon guiaannie liu rii! iGolgotsaa dziuut ne zho zeene guiaana lo ne!"

⁸ Dzigo bnaaz zho meṅ co, beet zho me, güeyga zho güeyron zho me tib lad lo liu co.

⁹ 'Sca nagon —rëb Jesús—, been zha ne quianap liu co. Golnëse nadien, ipe nac miṅe goṅ bizhuan liu co? Ib tedsod zeene laa me guiaad, znitlo me zha co; zhaale lo zha ne csaṅ me liuṅ me.

¹⁰ 'Golsoladz gaṅle znu rnee lo Xtiidz Dios:

Quie ne psëeb zha ne nozaa yu,
ni naṅd zho lëepaa quie co nac miṅe rnazdziits yu.

¹¹ iNcuane gzee zdoo new! Sac Dios bnabey sca goca.

¹² Zeene goṅ zho sca bnee me, gocladz zho naazgazh zho me ga; sac bien zho miṅe run zho ga bzeet me. Per bnaazd zho me, sac rdzieb zho grë miech guizhiu ne ndxie ga, nacne zeyga zho.

Pe nonguiel quizh miech contribucion

(Mt. 22:15-22; Lc. 20:20-26)

¹³ Zhisaque goca, laa zho pxeelaque zla zha farisé, ni zla zha ne nacie Herod, zie zho ziegungüet zho Jesús par dien zha cxin me tib diidz; zeeña sca gdeeda diidz tsiezo zho me lo wxtis.

¹⁴ Bdzin zho lo me, rëb zho:

—Maestro, ndion no niapse diidzli rnee luu, led lega gund luu mine rnee tib miech, sac tibeyse nac miech lo luu, ni laa luu zienal cseed zho mine nac diidzli zeeña sëëb zho xnëz Dios. Min co nagon, nacie racladz no gnë luu lo no dien, ¿pe nonguiela ga rdeed no dimi ne razh lo rey te nonguiela ye? ¿Pe dzidhraa no dimi co, te mazd dizhdraa now ye?

¹⁵ Bienga Jesús racladz zho gungüet zho me, dzigo rëbchaa me lo zho:

—¿Pe nacie racladz to gungüet to naa? Golguiid tib xpes to nu ganle.

¹⁶ Dzigo bdeed zho tib pes lo me. Blozh ga, rëbchaa me lo zho:

—Golinë lo naa dien, ¿cho nu quia lo pes rii? ¿Cho lë nu quia low?

Pquiab zho rëb zho:

—Lëë rey Roma i, lëë lë me i quia low.

¹⁷ Dzigo rëb me lo zho:

—Mine nonguiel ycaa rey, goldeeda lo rey; scaquegaa mine nonguiel ycaa Dios, lo Dios goldeeda.

Zeene gon zho sca ptsire me lo xtiidz zho, rdziel-draa zho zha gun zho.

¿Pe nli zrieeban miech?

(Mt. 22:23-33; Lc. 20:27-40)

18 Bdzinaque zla zha saducé, rëb zho lo me:

19 —Maestro, znu pquiaa Moisés lo libr ley ne psan Moisés lo no: tel glo mgui guet lo wnaa ne nac tsiel mgui ni gopd wnaa mëed, dzigo none betsaque zho ctsieelnia wnaa co stib, zeena gap wnaa mëed ne guiaan xlugar xpëed zha ne gut ga.

20 'Bio tib dii zha co znu bzhaac, gadz bets nac zho. Ptsieelnia zha ne nac zha gol, zeene laa zho gut, biaan xpëed zho.

21 Dzigo ptsieelnia stib bets zho wnaa co, blozh ga gutaque zha co, pasë zho nsañ mëed. Ptsieelniaque me stib zho, goc zho tson, niicle zha co psandaque mëed.

22 Sca sca haxta bza gza gadzse zho ptsieelnia me, per ziese zho ni tib zho psand mëed; tibaque zeene yeque me, laa me gut.

23 Miñe racladz no gacndion no, ¿chopaa dzigo gac tsiel wnaa co gal dze ne laa zho grieegan; sac gza gadzse zho ptsieelnia me?

Sca bnabdiidz zho, sac nac zha saducé rliladzd zho ne nli zdziñ dze grieegan zha ne ret.

24 Dzigo pquiab Jesús rëb me lo zho:

—I nagon laa to rxin. Miñe naca riende to zha nac Xtiidz Dios, niicle rliladzde to zrieelo me gun me ncuaan ro ne gard gan miech.

25 Sac gon, zeene gal dze ne laa grë miech grieegan, niicle mguiw niicle wnaaw led yedraa hor co dien cho ctsieelnia zho; sac hor co laa zho gac zig nac grë anjl ne no gbaa.

26 Stiba, ible nli zrieegan mengut. ¿Pe gard ganle glab to lo guits ne pquiaa Moisés, zaatne ziaad zeene bin Moisés tsi Dios tib lo yag zarz nguia ne noyazbel? Rëb Dios lo Moisés: “Naa nac Dios ne

rliladz Abraham, naa nac Dios ne rliladz Isaac, naa nac Dios ne rliladz Jacob.”

²⁷ Niicle ne gutle gza zha co hor co, per zeene sca bnee Dios, gase rlu ne mban zho no zho lo me. Sac tel Dios, nacd me xDios mengut sinque xDios zha mban nac me. Ise nagon rlu, peet riende to gane squi rnee to.

Xley Dios mine mazdraa non

(Mt. 22:34-40)

²⁸ Zeene sca nozodiidznie Jesús zha saducé co, gon tib maistr ley niapse diidzli ptsire me lo xtiidz zho. Dzigo wbig maistr ley co, bnabdiidz me lo Jesús, rëb me:

—Bzhiguiel bnë lo naa dien, lo grë xley Dios, ¿pa min nac mine mazdraa non?

²⁹ Pquiab Jesús rëb me:

—Min rii nac mine mazdraa non, znu rneew: “Grëse to men Israel, golquiaadiaga ganle: men ne nac Dios ne rliladz ne, tibaque me ni me nac men ne rnabey ne.

³⁰ Dib zdoo to, dib xalm to, dib guielbiini ne no guic to, dipse xfuers to golleynie me.” Lëë tiba nu,

³¹ laa stiba znu rnee: “Bleynie samiech luu zigne rleynie luu luu.” Tsodraa stib ley ne mazdraa non lo grop ley rii.

³² Dzigo rëbchaa maistr ley co lo Jesús:

—Diidzli rnee luu maestro, tibaque Dios no.

³³ Ni none dib zdoo ne, dib guielbiini ne no guic ne, dipse xfuers ne gleynie ne me; ni gleynie ne samiech ne zigne rleynieque ne ne. Min co nac mine mazdraa non, lëdle gzëeg ne pe cos cogon ne lo me o dien peragaa gun ne.

³⁴ Zeene gon Jesús sca niini rzë xtiidz me, rëbchaa Jesús lo me:

—Zhile runfalt sëëb luu xnëz Dios, gnabey me luu.

Blozh ga, grëse zha ne ndxie ga, ni stib zho biazhdraa zho pe nabdiidz zho lo me.

¿Cho xpëëd nac Crist?

(Mt. 22:41-46; Lc. 20:41-44)

³⁵ Sca noseed Jesús miech len yadoo ga, zeene b nabdiidz me lo zho, rëb me:

—¿Bay zha nacne rnee grë maistr ley, lo xtii rey David ga grieequia Men ne nacle diidz ga cxeel Dios?

³⁶ Sac zeene bdeed Espíritu Sant guielbiini lo rey David, znu bnee David:

Bnee Dios lo men ne rnabey naa, rëb Dios lo me:

“Cue naa nëz derech, nu bzob, nieeda lozh gnaz naa grëse zha ne rlëë lo luu, csa naa zho ladznia luu.”

³⁷ Gase nagon telne nli zha xtii David gac Men ne nole diidz cxeel Dios ga, ¿zha nac dzigo ne lëëque David rnee ne me rnabey David?

Grë miech guizhiu ne ndxie ga noquiaadiag zhiwseed me, per nli rley zho ron zho zha rnee me.

Zha run grë maistr ley

(Mt. 23:1-36; Lc. 11:37-54; 20:45-47)

³⁸ Laa me noseed grë miech co, zeene pso me diidz lo zho rëb me:

—Ible tsienalde to mine run maistr ley gon. Sac grë zha ne nac maistr ley, rdziladz zho racw zho lar nool haxta zhits ni zho rbiba, rdziladz zho ndooladz yquiaabdiuzh miech zho zeene gdzieel zho zho dib ro nëz.

³⁹ Zig nac len yadoow, zha nac zha ne rzob lo xcan zaatne rzob grë zha non, zeene tsieгаа zho tib lni lidz miech, lëëpaaze zha nac zha ne rzob grol mezh zeene laa wagw gac.

⁴⁰ Ni rlozh ga, rio zho rla zho tel pe ncuane rapse grë wnaa viud; ni parne peet guiabd miech lo zho, xtse rzo zho rzadraa pe lay ne gool zho.

'Sca gon nac zho, per ib tedsod zeene laa grë miech ngoopdol quizh xfalt, zha nac zha ne mazdraa nroob caxtigw yгаа.

*Gon ne bdeed tib wnaa viud
(Lc. 21:1-4)*

⁴¹ Blozh ga, güey Jesús güeysob me gax zaatne zhoob grë alcancí. Dzese rwi me ran me zha riesan miech gon len grë alcancí co; ndal grë zha ricw rdziñ, nroob dimi rсан zho.

⁴² Tibaque zeene bdziñ tib wnaa viud, tib men prob nac me, ye me laa me psan chop gaay win len alcancí co.

⁴³ Dzigo bredz Jesús xpëedscuel me, rëb me lo zho:

—Gneli naa lo to ganle, mazdraa gon nroob non gon ne bdeed wnaa viud qui, lëdle gon ne bdeed grëraa zha qui.

⁴⁴ Sac zha, dimi ne riaanle lo zho i rgogon zho; sangue wnaa prob qui gon, centav yeen ne quianiese me mine rnalopaa me gziuu pe gow me, per laa me bloogona.

13

*¡Nsin golsol!
(Mt. 24:1-28; Lc. 17:22-24; 21:5-24)*

¹ Laa Jesús zieriee len yadoo nroob co grë xpëëdsuel me, zeene rëb tib zho lo me:

—Maestro, ¡bui ganle zha niaataa yadoo rii! ¡Zha rnataa grë quie ngol ne niaaw!

² Pquiab me rëb me lo zho:

—Nligaa lëë zha niaataaw. Per niicle squitaa gon ran tow niina, zdziñ dze ne nitlow dib nacsew. Ni stib quie qui guiaandraa zigne squi zhobxcuaaw i.

³ Brieë me ga, laa me zie gza me zho. Bdziñ zho cho Gui Oliv, ga bzob zho grë zho. Nieenpaa ro yadoo co zaatne zob zho ga; dzigo wbig Pedr, Jacob, Juan ni Ndrés lo me, gza tap zho bnabdiidz lo me rëb zho:

⁴ —Bzhiguiel bnë lo no dien, ¿pa hor dzigo gac mine bzeet luu ga? ¿Zha nac señ ne tso zeene laaw csilo gac?

⁵ Dzigo psilo me bnee me lo zho, rëb me:

—Nsin golso zeena choot yquidiede to.

⁶ Sac nzian zha ne grieequia gnë zho zha nac Men ne zëëble diidz cxeel Dios; ni nzian miech ne yquidie zho.

⁷ 'Zeene gon to nëzrii nëzrec noyac dil, ib gdziebde to; sac ible none gac grë miñ co, ni lëdsew ga.

⁸ Sac garaa csilo grë dildox, grë guiedz nroob laaw tilnie saguiedz nrooba; grë zha ne rnabey grë guiedz nroob, laa zho tilnie sazha rnabey zho. Nëzrii nëzrec csilo gni grë zhodox, nzian zaatne gan miech gbin. Ni lega loxaque mine rsilosew ga, sac nroobraa guielnë ne gan miech lozh ga.

⁹ 'Zeene laa grë ncuuan rii rsilo noyac, ¡nsin golso! Sac hor co laa miech tsiezo to lo zha ne rnabey

yadoo, ni lëëque len yadoo ga quin zho to; ziezo zho to lo grë zha non, lo grë zha rnabey, loxaque ne no to xnëz naa. Ga nagon gdeeda diidz gnee to Xtidz naa lo grë zha co,

¹⁰ sac ib none brieets bliaallew lo grëse miech zeene gal dze ne laa guidzliu nitlo.

¹¹ Zeene tsiezo zho to lo wxtis, tsode to zhgab dien pe guiab to lo wxtis; sac Espiritu Sant nac men ne gacnen to, ni mine csiaab me guic to min co gnee to.

¹² 'Len dze co, zio zha ne lëëque zha tsielo bets zho ladznia zha ne gut zho; zio zha ne lëëque zha tsielo xpëed zho ladznia zha ne gut zho; scaquegaa mëeda, zio zha ne lëëque zha gut pxoz zho, lëëque zha gut xniaa zho.

¹³ Ible gandzed miech to, grëse zho glëe lo to sacne rliladz to naa; per scagaa, grëse zha ne dziits so haxta lozh grë guielnë co, ible scaania Dios zho.

¹⁴ 'Zeeñe gan to laa ncuaane ziaad gnitlo zo zaatne rieguiald sow, zigne bzeet profet Daniel (zha ne glaba, none guien zho zha naca), hor co golguib dien zha xoon to. Zha ne no grëraa guiedz ne ngab Judé, none tsie zho dan, ga tsietsolan zho.

¹⁵ Zha ne no glaa guic yu, none lëëlëd xoon zho, ib guiabd zho sëeb zho len yu tsiebee zho ncuaane nacchen zho.

¹⁶ Zha ne zogaa dana, ib gund zho ne laa zho tsie ro lidz zho tsiexi zho xab zho.

¹⁷ ¡Prob grë men wnaa ne lëëtaque len dze co zoney xpëed, men ne quaniegaa mëdyeen ne bii radz!

¹⁸ Golnab lo Dios gande to guielnë co len mëe ne rac nal, sac ne nligaa guielnë nrooba.

19 Wlaṅ ne biaanṅ guidzliu haxta lo nadze, gard gaṅ miech tib guielnēdox sca, ni gdziṅdragaa dze ne gaṅ zhow stib.

20 Teṅne csaan Dios nroob dze gac guielnē co, ni stib miech rii guiaanṅdraa; per na por grē zha ne bzooblo me sēēb xnēz me, gdeete me diidz gaca nroob dze.

21 'Leṅ dze co, teṅ cho zha gnē lo to: “Goṅwi gaṅle, lēē meṅ rii nac Meṅ ne nole diidz ga cxeel Dios”, gnēgaa zho: “Goṅwi nec gaṅle, lēē me i”, gliladzde tow.

22 Sac ndal grē zha ne greequia guiaadquidie miech, no zho gnē zha nac meṅ co, nogaa zho gnē zha ziadteed Xtiidz Dios lo miech; ni zuṅ zho grē milagr parne yquidie zho miech, parne yquidie zho haxta grē zha ne ngable lo Dios.

23 ¡Nsin sca goṅso! Ib cxende to, beṅque laa naa nilew lo to.

Ziaad Jesús stib

(Mt. 24:29-35, 42, 44; Lc. 21:25-36)

24 'Zeene lozhse gaṅ miech grē guielnēdox co, laa lo ngbidz ycow, gziinidraa mēē.

25 Grē mel ne ndziib gbaa, laa ma gliaal; grēraa ncuaane no gbaa, masaque nēzrii nēzrec gaca.

26 Horco bii zaṅ zho gaṅle, zeene laa Meṅ ne px-eel Dios ziad-zēēb glaa lo xcow con grē guielnṅdzon con grē poder ne rap me.

27 Lozh ga laa me gnabey grē xanjṅ me, tsie zho tsietop zho grēse zha ne ngab lo me, niicle zaatne mazdraa zit lo guidzliuw, mazdragaa zit gbaaw.

28 'Goṅzoob cuidad zha nac yag guigw. Led naṅle to gaṅle, zeene laa grē zhicwa racnieeṅ, ni

rsilo rdzib zhiblaga, gase rlu ne laa mēē nēēg ziaadgaxle.

²⁹ Scaquegaa nagon, zeene gan to laa grē mine rne naa lo to nu rsilo noyac, dzigo nanle to lēē dze co ziaadyoble.

³⁰ Gneli naa lo to ganle, nzian miech ne mban niina bii zan zho zeene laa grē ncuaan co csilo gac; sac ible ncuaane gaca.

³¹ Zdziñ dze nitlo gbaa, nitlo guidzliu, sangue mine rne naa lo to nu, nitloda, ible laaw none gac.

³² Lēēraasi choot nand dien pa dzew, dien pa horgaaw, per ni grē anjl ne no gbaa, per ni naa nanda; loxaque Pxoze naa nana.

³³ Gacxe waa, nsin golso, golnab lo Dios; sac gon nande to dien pa hora.

³⁴ 'Nac cuent rii zig nac tib zha ne rriee zie tib guiedz zit. Zeene laa zho rriee, rсанse zho diidz dien pe gun tib tib moz ne guiaan ro lidz zho, ni rso zho diidz lo zha ne rquianap ro puert nsin so zho, ib gaguesd zho.

³⁵ Scadaa to nagon nsin golso, sac zig bizhuan yu co scaquegaa naa nande to pa hor guial naa, yase glanso naa tib bdze dze, tib groļ guieel, wxingaa horne rcuedz gall, o ziaadyunmbegaa liu.

³⁶ Nsin golso, zeena ine zobna to zeene laa naa glanso.

³⁷ Mine rne naa lo to nu, laaw rne naa par grēse miech.

14

*Bnediidz zho dien zha gnaaz zho Jesús
(Mt. 26:1-5; Lc. 22:1-2; Jn. 11:45-53)*

¹ Schop ngbidz runfalt csilo lni Pascw, lni ne row zho quietxtil ne riotsd ncobi; grë pxoz nroob ni grë maistr ley, laa zho noguib dien zha ngeetsse gnaaz zho Jesús gut zho me,

² rnee zho:

—Laa me no yгаа, per lëëraasi gnaazd ne me mer dze lni, sac miech guizhiu ne ndxie lo lni dze co; zrieequia nzian zha ne glisquiw.

*Pchoob tib wnaa nceit nex guic Jesús
(Mt. 26:6-16; Lc. 22:3-6; Jn. 12:1-8)*

³ Leñ dze co, laa Jesús no guiedz Betain. Lëëtaaque laa me no mezh lidz Simón ne blan guiedz lepr, zeene bdziñ tib wnaa bdziñnie tiblo nceit nex, nosew tib leñ ncuaan win niaa niapse quie rbebni, tiblo nceit niazha. Dzigo blë wnaa co ncuaan win co, blozh ga pchoob me nceit co guic Jesús.

⁴ Blalaa zha ne zobgrë Jesús ga, zeene gon zho sca been wnaa co, blëë zho, rëb zho:

—¿Pa rieguiala squi pxin zhlë wnaa qui nceit qui?

⁵ Telne niaca mine ndow, nguizhpaa zhow tson gayoo pes plat, nquiinpaa dimi co ngaaza lo grë zha mban ne guieñd pe yquiin.

Laa zho nolisquiw lo wnaa co,

⁶ dzigo rëbchaa Jesús lo zho:

—Golsaan me. ¿Pe nacne rlisqui tow lo me? Led lega pxind mew, tib guieñzaac nroob i been me lo naa.

⁷ Telne nli rquia zdoo to zha ne guieñd pe yquiin, zac ygad to lo zho stib dze, sac tibaque ran to zho; sangue naa zdziñ dze ne gbiche naa lo to, gandraa to naa.

⁸ Laa wnaa qui been mine brieelo lo me, laa me pchoob nceit nex rii guic naa zeena nzhixcuaale xcuerp naa gal dze ne laa naa ygueets.

⁹ Gneli naa lo to ganle, dipse lo guidzliu zaatne cseedtaa miech Xtiidz Dios, ible soladz zho wnaa rii, seet zho mine been me nu.

¹⁰ Lo gza tsiipchop zha ne nac xpëëdscuel Jesús ga, brieë zha ne lê Judas Iscariot güeyzodiidznie Judas grë zha ne nac pxoz nroob, rëb Judas laa Judas gun me ntregar.

¹¹ Zeene bin zhow, per nli rley zho ni rëb zho zdeed zho dimi lo Judas. Dzigo psilo Judas noguib Judas dien pa hor gdeeda diidz gun Judas me ntregar.

Dowxtseenie Jesús xpëëdscuel me

(Mt. 26:17-29; Lc. 22:7-23; Jn. 13:21-30; 1 Co. 11:23-26)

¹² Mer dze ne rsilo lni Pascw, dze ne rowxtsee zho tib carner, ni rsilo zho row zho quietxtil ne rquiad ncobi lad, dze co bnabdiidz xpëëdscuel Jesús dien pa lo racladz me tsiegunlo zho ncuaane gowxtseenie me zho wdze co.

¹³ Dzigo pxeel me chop zho Jerusalén, rëb me lo zho:

—Goltsie Jerusalén. Ga gan to tib mgui nzobyan tib re nis, dzigo goltsienal zhits me.

¹⁴ Yu ne gan to sëëb me, golguiab lo bizhuan yu co: “Znu në maestro: ¿Pa len yu me gneedz luu gac zaatne gowxtseenie me xpëëdscuel me wdze rii?”

¹⁵ Dzigo ga glu me tib len yu nroob ne riaan glaa, nzhixcuaale lena, grële ncuaane yquiin no ga; dzigo ga golgunlo zhixtsee ne.

16 Laa grop zha co brieë, laa zho zie. Bdziñ zho lad guiedz Jerusalén, nligaa laa zho bdziel yu co zigne rëbse me lo zho ga, dzigo psilo zho beenlo zho xtsee co.

17 Bdze dzew, laa me bdziñ len yu co grë xpëëdsuel me.

18 Laa me no mezh noyownie me zho, zeene rëb me lo zho:

—Laa naa gni lo to ganle, lëëque tib zha ne gon noyownie naa nu tsielo naa ladznia zha ne gut naa.

19 Zeene bin zho sca rëb me, mban rac zho, dzigo psilo zho tibga tibga zho rnabdiidz lo me, rnee zho:

—¿Pe naaw?

20 Pquiab me rëb me lo zho:

—Ladaque to no zho, zha ne nosëëb xcuun len xquien naa, lëë zho ga.

21 Naa ne nac naa Men ne pxeel Dios, niina laa miech gut naa zigne raquietsew lo Xtiidz Dios; per, jprobsaxe zha ne tsielo naa ladznia zho! jMazd wen nie zho, ib niacd zho miech lo guidzliu!

22 Laa zho noyow zeene bzhen Jesús tib guietxtil, bdeed me xquizh lo Dios, blozh ga beengrol mew dzigo bdiiz mew lo zho, ni rëb me:

—Golquiina, lëë xcuerp naa i gon.

23 Ni bzhen me tib cop nroob vin, bdeed me xquizh lo Dios, blozhse bdeed me xquizh, dzigo bdeed me cop co lo zho, grëse zho go vin co.

24 Ni rëb me lo zho:

—Lëë xchen naa i, mine gzhiee par grëse miech ne sëëb xnëz Dios, sac lëë stib mod cub nu psan Dios parne sëëb miech xnëz me.

25 Lëe lultm vuel^t nu guie naa vin rii, sac zhaale stib vin cub ne guie naa zee^{ne} laa naa gdziⁿ zaatne rnabey Pxoz naa.

Dzigo psilo me biil me bla salm gza me zho.

Bzeet Jesús zha guⁿ Pedr

(Mt. 26:30-35; Lc. 22:31-34; Jn. 13:36-38)

26 Blozhse biil^{nie} me Dios grë me zho, dzigo laa me brieenie zho ga zienie me zho nëz Gui Oliv.

27 —Ible saan to naa nawdze rii —rëb me lo zho—, sac scale ziaad lo Xtiidz Dios zaatne rnee: “Zdeed Dios diidz csiwee zho baxtor, lozh ga nëzrii nëzrec gliaal mëcwxiiil.”

28 Sca guⁿ zho naa, per zee^{ne} laa naa grieeban glole naa ga Galilé, ga cuëz naa to.

29 Dzigo rëbcha^a Pedr lo me:

—Niicle tel^{ne} saan grë zha qui luu, sangue naa gon csaand naa luu.

30 Pquiab me rëb me lo Pedr:

—Gneli naa lo luu gan^{le}, guieel riigazh, gardle grop gall tson^{le} vuel^t rëb luu runbeyd luu naa.

31 Per tibaque nac xtiidz Pedr, rnee Pedr lo me:

—Niicle tel^{ne} zaatne guet luu guet naa, per guⁿscad naa. ¿Pe nacne guiep naa runbeyd naa luu?

Scaque rnee grë^{raa} zho.

Bzodiidznie Jesús Pxoz me Getsemaní

(Mt. 26:36-46; Lc. 22:39-46)

32 Bdziⁿ Jesús zaatne lë Getsemaní gza me zho, dzigo rëbcha^a me lo zho:

—Nuse nagon gol^{sob}, laa naa ga gazodiidznie naa Pxoz naa.

³³ Horco psilo mban rac zdo me, riabguiel_{nē} me, dzigo bredz me Pedr, Jacob ni Juan, bzēnie me zho palal

³⁴ dzigo rēbchaa me lo zho:

—Mban rac zdo naa, zootle zig zet naa lo guiel_{nē} rii. Nuse nagon gol_{guiaa}n, per gol_{sobna}.

³⁵ Bzē me spalal, dzigo p_{quii}ts_{gzh}i_b me haxta bdzi_n lo me lo liu; psilo me bnab me lo Dios ne tel_{ne} zrieelow mazd tete me grē guiel_{nē} ne no ga_n me,

³⁶ rēbchaa me:

—¡Papá, par luu grēse cos zrieelo gu_n luuw! ¡Bzhiguiel_l psilaa naa lo guiel_{nē} rii! Per tel_{ne} grieloda, mi_{ne} gnē_{taa} luu, sca gaca.

³⁷ Zeē_{ne} biire me bdzi_n me zaatne biaa_n gza tso_n zha co, go_n me gzase zho nixguies; dzigo rēbchaa me lo Pedr:

—Simón, ¿nixguies luu lēē? ¿Pe ni palal blēēbd luu nzobna luu?

³⁸ Gol_{sobna}, gol_{nab} lo Dios zeē_{na} yquild men_{dox} to. Niicle ne squi lēbdraa xcuerp to sobna to, per gol_{nab} lo Dios, sac go_n mi_n co nac mi_{ne} racladz zhiespí_{ritu} to.

³⁹ Dzigo biire güey me stib, güeyzodiidznie me Dios; scaque mi_{ne} bnab me glo mi_ncoque bnab me stib.

⁴⁰ Zeē_{ne} bdzi_n me lo zho, go_n me laa zho bii nixguies. Ni rdziel_d zho pe guiab zho lo me.

⁴¹ Laa zeē_{ne} goc tso_n vuilt biire me güey_{nab} me lo Dios, rēbchaa me lo zho:

—Lēēw nagon, zacle na gaguies to, zacle gdziladz to. Naa ne nac naa Men_n ne p_{xeel} Dios, naataa laa hor bdzi_n zeē_{ne} laa grē miech ntseeb rii guiadnaaz naa.

42 Goltsieso, zeena zio ne; sac gon laa zha ne glu naa lo zho ziaadle nu.

Bnaaz zho Jesús

(Mt. 26:47-56; Lc. 22:47-53; Jn. 18:2-11)

43 Laa Jesús bii quianeeque, zeene laa Judas (tib zha ne nac xpëëdsuel me) bdziñ, bdziñnie Judas tib dzoon zha ne pxeel grë pxoz ne rnabey, grë maistr ley ni grë zha non lo menguietz Israel. No zho nzhen spad, nogaa zho nzhen yag.

44 Biaaniele Judas zho diidz zha glu Judas cho nac Jesús, rëb Judas lo zho:

—Nanle to gon, zha ne gow naa bzhid cuas, lëe me ga; ligier golso golxen me, ib csaande to xoon me.

45 Nligaaw, zigne bdziñ Judas bredz Judas Jesús; blozh ga dow Judas bzhid cuas me.

46 Horco wbig grë zha ne zienal zhits Judas ga bzhen zho me.

47 Lo grë zha ne nacga Jesús ga, hor co biasaque tib zho bdoob zho zhispad zho pchug zho tib diag xmoz men ne nac pxoz nroob.

48 Dzigo rëbchaa Jesús lo grë miech co:

—¿Niacxe naa cho ngbaan, zha nac ne squitaa nzhen to spad, nzhen to yag ziadnaaz to naa?

49 Blactaa dze name gon to noseed naa miech len yadoo, ¿pe nacne bnaazde to naa ga? Per ible laa grë ncuuan rii gon noyac zeena gac grë mine raquiet lo Xtiidz Dios.

50 Grë zha ne nac xpëëdsuel me ga, grëse zho bzhoon, tipse me psan zho ga.

51 Tibaque mgui nguieg bii güeynal zhits me, tib lëse lar nquits mbix mgui; dzigo bnaaz zho mgui gocladz zho ye mgui nienie zho;

⁵² per znuse brieē mguī len̄ lar co, bzhoon̄ mguī coletse mguī.

Güeynie zho Jesús lo zhiwxtis zha Israel

(Mt. 26:57-68; Lc. 22:54-55, 63-71; Jn. 18:12-14, 19-24)

⁵³ Ga brieenie zho Jesús bdziñnie zho me lidz men̄ ne nac pxoz nroob. Grē pxoz rnabey, grē zha ne rnabey lo maistr ley n̄ grē zha non lo men̄guiedz, laa zho pcaalsa ga.

⁵⁴ Ye Pedr, maase zit zit na| Pedr laa Pedr bdziñ xley men̄ co. Bdziñ Pedr, güeysobga Pedr lo grē zha ne ndxienap, lēētaque laa zho quiadzēē lo gui.

⁵⁵ Grē pxoz co, grē zha ne nac zhiwxtis zha Israel, laa zho ndxie nēz len̄ yu co, quiaguib zho dien̄ pe yquiaaqui zho gnab zho guet Jesús, quiaguib zho dien̄ pe do| ne ycaadz zho me; per rdziēld zho dien̄ pew.

⁵⁶ Nzian zha ne pquidie rēb zho znu znu nac ncuaañe noyūn me, per rrieequiad xtiidz zho; sac zhaase zhaase rnee zho.

⁵⁷ Tibaque zeeñe guso blalaa zho, bnexuu zho rēb zho:

⁵⁸ —Bdzion no gon̄ rēb me laa me ctixche yadoo, lozh ga tsonaque ngbidz gzaalo me stiba; per led miechdraa nzaaw.

⁵⁹ Niicle scaw, rzēdaque xtiidz zho tipse.

⁶⁰ Dzigo hor co bzoli men̄ ne nac pxoz nroob, bzo me glowtaa lo grē miech co, bnabdiidz me lo Jesús rēb me:

—¿Pe nacne rquiabd luu? ¡Diidzli dzigo lēē nac grē miñe rnee zho i!

⁶¹ Dzese zo Jesús ib rquiabd me. Biireque men̄ co bnabdiidz me stib rēb me:

—¿Nligaa cho nac luu? Bnë tel nli Xpëed Dios nac luu, Men ne nacle diidz ga cxeel me lo guidzliu.

⁶² Dzigo pquiab Jesús rëb me:

—Nliw, naa nac men co. Naa ne nac naa Men ne pxeel Dios, bii zan to ganle zeene laa naa zoob cue Dios nëz derech, ni zeene laa naa guieet gbaa zialzëeb naa lo xcow.

⁶³ Horco ptsiez pxoz nroob co xab me, sac blëe me bin me sca rëb Jesús.

—¿Pe mazdraa textigw ne racladz ne? —rëb me—,

⁶⁴ laa to binle ganle zha rzëtaa xtiidz me noguitnie me Dios. ¿Pe gnë to na zha gac me?

Grëse zho pquiab rëb zho, ib rieguaiala guet me.

⁶⁵ Dzigo hor co blalaa zho laa zho psilo notsuc lo me. Pxidoo zho lo me ni rdeed puñet zho me, lozh ga rnee zho:

—Bnë dien, ¿cho ga bdiñ luu?

Ye grë zha ne quianap ga, rgap zho lo me.

Rëb Pedr runbeyd Pedr Jesús

(Mt. 26:69-75; Lc. 22:56-62; Jn. 18:15-18, 25-29)

⁶⁶ Laa Pedr bii zoque ley. Ga zo Pedr, zeene laa tib wnaa ne nac zhicriad men rnabey co bdziñ;

⁶⁷ gon me laa Pedr zob gax lo gui nodzëe Pedr. Dze rwi me lo Pedr, tibaque zeene rëb me:

—¿Ye luu lëe rzënie Jesús, men Nazaret ne bdzinnie zho i?

⁶⁸ Per bneelid Pedr.

—Dien pe rool luu —rëb Pedr—. Runbeyd naa men co.

Brieega Pedr zie Pedr nëz ro zawan, lëetaque hor co pcuedz tib gall.

⁶⁹ Dzeque rwi wnaa co lo Pedr, dzigo rëbchaa me lo grë zha ne ndxie ga:

—¡Lëëw, zha ne rzënie me nac mgui qui!

⁷⁰ Biire Pedr rëb Pedr runbeyd Pedr me. Wdzeepaa goca, biire zha ne ndxie ga rëb zho lo Pedr:

—Ne nligaa, ye luu rzënie men co. ¡Zha Galilé name nac luu!

⁷¹ Dzigo psilo Pedr rzeet Pedr Dios rnee Pedr runbeyd Pedr Jesús, haxta rnee Pedr:

—¡Dios zobwi ganle, telne rned naa diidzli, maase cuibdee naa!

⁷² Lëëtaaque hor co laa gall pcuedz stib. Dzigoraa psoladz Pedr xtiidz Jesús zeen rëb me lo Pedr: “Gardle grop gall, tsonle vuelt rëb luu runbeyd luu naa.” Dzigo mbanse rac Pedr, psilo Pedr biin Pedr guielne co.

15

Güeynie zho Jesús lo Pilat

(Mt. 27:1-2, 11-14; Lc. 23:1-5; Jn. 18:28-38)

¹ Ziadyiinile liuw, scase bii nchool r naw, wbiire pcaalsa grë pxoz non grë zho zha ne rnabey lo maistr ley, grë zha non lo menquiedz ni grë zha ne nac zhiwxtis zho. Blozhse bnediidz zho, laa zho pxidoo Jesús güeyсан zho me lo Pilat men ne nac gobernador.

² Bdzin me lo Pilat, bnabdiidz Pilat rëb Pilat lo me:

—¿Pe nli na luu nac zhirey zha Israel?

Pquiab me rëb me:

—Nliw.

³ Tibaque quia grë zha ne nac pxoz non, rzadraa grë ncuaañe rcaadz zho me.

⁴ Nacne wbiire Pilat bñabdiidz Pilat lo me, rëb Pilat:

—¿Pe nacne rquiabd luu? Bui ganle zha nactaa grë ncuane rcaadzdoł zho luu.

⁵ Bzee zdoo Pilat goñ Pilat ible pquiabd me.

Bñab zho guet Jesús

(Mt. 27:15-31; Lc. 23:13-25; Jn. 18:38-19:16)

⁶ Gzobse lni Pascw rsilaa Pilat tib zha ne no ladzguiib, tel cho zha ne gnabtaa menguedz laa.

⁷ Len dze co no tib mgui lë Barrabás ladzguiib, ni zla zha ntseeb ne nacgza me, laa zho no ga sac nzian zha ne beet zho zeeñe gocntseeb zho lo gobiern.

⁸ Nacne psilo grë miech co, rnab zho lo Pilat csilaa Pilat tib zha ne no ladzguiib zigne runtaque Pilat grëraa iz.

⁹ Dzigo bñabdiidz Pilat lo zho, rëb Pilat:

—¿Cho racladz to csilaa naa? ¿Pe silaa naa men ne rnee zho zhirey to nu?

¹⁰ Sca rëb Pilat lo zho, sac nanle me niapse por rlëë grë pxoz non co ran zho Jesús gane bñabey zho bgaa me güeyšan zho me ga.

¹¹ Per lel psilo grë miech co rnab zho csilaa Pilat Barrabás; ni lëëque grë pxoz co pquiil zho.

¹² Dzigo rëb Pilat lo zho:

—¿Zha dzigo racladz to gac men rnee zho zhirey to nu?

¹³ Pquiab be grë miech co, roptsie zho rnee zho:

—¡Bñabey yquia me lo cruz!

¹⁴ —¿Pe nac falt ne been me? —rëb Pilat—. ¿Pe nacne racladz to yquia me lo cruz?

Biire zho roptsie zho rnee zho:

—¡Bñabey yquia me lo cruz!

15 Gon̄ Pilat zha rac zho ni racladzaque me guian̄nziuu me lo zho, nacne mazd bzoob me xtiidz zho, bnabey me blaa Barrabás; laa Jesús, blozhse bnabey me bdiñ zho Jesús laa me been̄ Jesús ntre-gar lo grē men̄guiib ne tsiequiaa me lo cruz.

16 Biire grē men̄guiib co bzēēbnie zho Jesús nēz leñ yulow, ga pcaalsa grēraa men̄guiib ne nacgrē zho.

17 Psilo zho rguitnie zho me, bgacw zho me tib lar morad zig rna lar ne racw grē rey, ni bzieecw zho bla lē yag guiets bzoob zhow guic me, zig rzob coron guic grē rey.

18 Dzigo psilo zho nguiedz roptsie zho rnee zho: —¡Gol̄wi gan̄le zha ractaa zhirey zha Israel!

19 Bzhen̄ zho tib goobgui, rdeed zhow guic me, rtsuc zho lo me, rquiaalo zho rquiitgzh̄ib zho lo me zig rquiitgzh̄ib zho lo zha non.

Güeyquiaa zho Jesús lo cruz

(Mt. 27:32-44; Lc. 23:26-43; Jn. 19:17-27)

20 Blozhse sca bdziitnie zho me, laa zho blee lar morad ne nacw me ga, biire zho bgacw zho me miñe nac xab me; dzigo laa zho brieenie me ga zienie zho me zaatne yquia me lo cruz.

21 Nēz zienie zho me, bdzieel zho tib mgui Ciren lē Simón (lēē pxoz Lejandr ga grop Ruf), znu ziaad me wbiire me dan. Dzigo bnabey zho me bi me zhicruz Jesús.

22 Zeene bdziñnie zho Jesús zaatne lē Gólgota (nac diidz co zig nac ne rnee ne “Gui Beerguic Ngutoo”);

23 ga bdeed zho nziu notsa guizh rmed ne lē mirr, nañ zho nie mew, per god mew.

24 Dzigo laa zho pquiaa me lo cruz.

Blozhse pquiaa zho me lo cruz, bzhen zho tib xab me pchug zhow, biaan_unie zho tib lëgaw tib tib zho, laa stiba bio zho rif.

25 Zig hor wxeeren ga pquiaa zho me lo cruz.

26 Glaa guic cruz ne pquiaa zho me ga, ga pquiaa zho bla lan diidz zaatne rnee pe nacne sca psacsi zho me, rneew: “LËË MEN RII QUIA NU, PORNE NAC ME ZHIREY ZHA ISRAEL.”

27 Ye chop ngbaan pquiaagza zho me lo cruz, tibga zhicruz zho bzo tib nëz cho zhicruz me.

28 [Ga brieequia mi_une raquiet lo Xtiidz Dios, zaatne rnee: “Bloo zho me lad zha ntseeb.”]

29 Grë miech ne rded zaatne quia me lo cruz ga, runguzee zho me, rzhidznie zho me, haxta rdzi guic zho rnee zho lo me:

—iPe led rëb luu lëë, laa luu ntsil yadoo ni tsonaque ngbidz nzaalo luuw stib!

30 Nana zho, ipe gacd lëëque luu bla luu lo cax-tigw qui, biet lo cruz qui!

31 Scasaque grë pxoz non ni grë maistr ley, rzhidznie zho me; rnee zho:

—Stib miech scataa beengu_uiac me, stib miech scataa bla me, pe nac dzigo rrieelod me gla me me.

32 iTelne nli me nac Men ne zëëble diidz ga cxeel Dios, telne nli me nac zhirey ne, niinagazh quiet me lo cruz; zee_una gliladz ne me!

Ye zha ne quiagza me lo cruz ga, rbidzgo zho lo me.

Gut Jesús

(Mt. 27:45-56; Lc. 23:44-49; Jn. 19:28-30)

33 Gol gro_l dzew, tibaque zee_une goc tib ncow dipse lo guidzliu, haxta las tres b_uaa biini stib.

34 Horco nguiedz zëëb tsi Jesús, rnee me:

—¡Eloi, Eloi! ¿Lama sabactani?

(Diidz co nac zig nacne rnee ne: ¡Luuse name nac xDios naa! ¿Pe nacne psaan luu naa?)

35 Grë zha ne ndxie ga, zeene bin zho sca rbedz me, no zho nan Lí, men ne biadteed xtiidz Dios padzeela, men co rbedz me.

36 Dzigo rias tib zho güeygadz tib lë zhiil lo nziu bla, bzoob zhow tib guic goobgui pquiaa zhow ro me.

—¡Gotsaa csaan —rnee zho—, nu dzian ne dien pe ziaad Lí guiaadlit Lí me lo cruz!

37 Tibaque zeene pquiaa me stib redz nroob, znuse blozh me.

38 Lëëtaaque laa me nolozh, zeene briez nzoli lar nroob ne quia leñ yadoo, groltaa goca.

39 Gax lo me ga zo men ne rnabey lo grë menguiib co, zeene gon men co zha gut me, rëbchaa me:

—¡Ne nligaa, Xpëed Dios nac men qui!

40 Ye blalaa men wnaa güeyso ga, zit zo zho rwi zho; lad co no Marí Magdal, Salomé ni Marí ne nac xniaa Jacob niab grop José.

41 Nzianlaa nac zho, lëë grë wnaa co been xyudar me leñ dze ne güeyted me dib xtan zha Galilé; ni zlagaa zha ne güeynal zhits me zeene bdziñ me Jerusalén.

Bgueets Jesús

(Mt. 27:57-61; Lc. 23:50-56; Jn. 19:38-42)

42-43 Lëëtaaque dze co nac vispr dze ne rdziiladz zho lo dziin. Zeene laa dze bdzepaa, dzigo güey José (men Arimaté) lo Pilat bnaab me diidzbey tsiequeets me Jesús. Glo zoot me tsied me, per tibaque bloo me tib valor güey me; niicle ne tib

zha non nac me lad zhiwxtis zha Israel, ye me quiambëz gdziñ dze ne gnabey Dios.

⁴⁴ Bzee zdoo Pilat zeene bin me laa Jesús gutle. Bnabey me gocredz zha ne rnabey lo menñuib ne quianap Jesús;

⁴⁵ haxta bdziñraa men co rëb nliw, dzigoraa bdeed me diidz tsielit José Jesús lo cruz.

⁴⁶ Nacne güey José, güeyysi me tib lë lar nroob. Zeene blozh blit me Jesús lo cruz pcheñ me Jesús lar co, dzigo güeyxob me me tib len baa ne ndieen tib cho quie. Blozh ga, psodan me tib quie nroob psioog me ro baa co.

⁴⁷ Ga zo Marí Magdal ni Marí xniaa José, goñ zho pa lo bgueets me.

16

BRIEBAN JESUS

(Mt. 28:1-10, 16-20; Lc. 24:1-53; Jn. 20:1-23)

¹ Bdze dze dze ne rdziiladz zho lo dziin, güey Marí Magdal, Salomé, ni Marí xniaa Jacob güeyysi zho grë nceit nex ne tsietëeb zho lad xcuerp Jesús.

² Laa zeene biini liu, dze ne rzobni zhmal, silgaw loxaque ziaadlan ngbidza laa gza wnaa co briece laa zho zie ro baan Jesús.

³ Nëz no zho, rnabdiidzlsa zho dien zha gdioob quie nroob ne nioog ro baa, cho siguiel coba.

⁴ Ni zeene bdziñ zho, goñ zho laa quie co bdiooble.

⁵ Laa zho bzëeb len baa, zeene goñ zho nëz derech laa tib mgui nguieg zob ga, nacw me tib lar nool, dib nquitsbiese rna lar co. Bdzieb zho goñ zho me;

⁶ dzigo rëbchaa me lo zho:

—Gdziebde to. ¿Jesús lëë, men Nazaret ne pquiaa zho lo cruz, men co ziaadguib to? Guiendle me nu, ¡laa me brieebanle! Gołwi ganle nu nac zaatne pxob zho me.

⁷ Gołtsie, golguiab lo Pedr ni lo grëraa xpëëdscuel me tsie zho Galilé, ga tsiedzieel zho me zigne rëble me lo zho glo.

⁸ Rias gza wnaa co laa zho brieeg ga, masaque rzhidz zho rdzieb zho. Lo dzeb co ni par gnee zho gacd.

⁹ [Dze ne rzobni zhmal ga, sil co brieegan Jesús, ni Marí Magdal nac zha ne glopaa gon me; lëë Marí co ga beenguiac me zeene beñcxoon me gadz mendox ne nosacsi Marí.

¹⁰ Dzigo güey Marí güeynie Marí diidz lo grë zha ne bzënie me ga. Lëëtaaque laa zho ndxie mban rac zho, roon zho no zho xquielnë me.

¹¹ Niicle bin zho rëb Marí laa me brieebanle, gonlo Marí me; per bliladzd zhow.

¹² Bded ga, brieequia me lo schop xpëëdscuel me lëëtaaque no zho nëz zie zho dan.

¹³ Dzigo güey zho güeynie zho diidz lo grëraa zha ne nacgza zho; per niicle xtiidz grop zha co bliladzd zho.

¹⁴ Laa stibtaa vuel, lëëtaaque ndziib zho lo mezh no zho wagw gza tsiiptib zho, tibaque zeene laa me brieequia; dzigo goctox me lo zho sac gon me ib bliladzd zho xtiidz me; ni gon me scataa nad zdoo zho, sac niicle güey zha ne gon me güeynie zho diidz ne nli brieegan me, ni bliladzd zhow.

¹⁵ Ni rëb me lo zho:

—Gołtsie dipse lo guidzliu, gołtsieseed miech Xtiidz Ndzon Dios.

¹⁶ Grëse zha ne dib zdoo gliladza ni chobnis zho, scaania Dios zho; san_gue zha ne gliladzda, laa zho bnitlole ga.

¹⁷⁻¹⁸ Grë zha ne sca dib zdoo gliladz naa: znee zho stib diidz ne rneed zho. Niicle xen zho grë meel ntseeb, concuaangaa miech zho, ib peet gacd zho. Ni zeene cxobnia zho guic grë men rzacnë, zun_guiac zho zho; grë mendox ne noguitnie miech, zeene gzeet zho lé naa zun_cxoön zho ma.

¹⁹ Blozhse sca bnee me lo zho, laa me zey gbaa bzob me cue Dios nëz derech.

²⁰ Dzigo grëse xpëëdscuel me laa zho brieë, brieets bliaal zho zieseëd zho miech Xtiidz Dios. Ni me nac men ne noyacniën zho run zho grë milagr nroob, zeena glu ne nli Xtiidz me nac minë noseëd zho miech.]

**Diidz ne rdeed guielmban
New Testament in Zapotec, Mixtepec
(MX:zpm:Zapotec, Mixtepec)**

copyright © 1998 Wycliffe Bible Translators, Inc.

Language: Mixtepec Zapotec (Zapotec, Mixtepec)

Translation by: Wycliffe Bible Translators, Inc.

Zapoteco, Mixtepec [zpm], Mexico

Copyright Information

© 1998, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Zapotec, Mixtepec

© 1998, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

PDF generated using Haiola and XeLaTeX on 18 Apr 2025 from source files
dated 29 Jan 2022

5317ca58-7555-5e4c-a420-e1e9210e2df2